



新刊監本冊府元龜卷之二百八十一

宗室部

領鎮第四

後魏南安惠王禎景穆帝子孝文即位除涼州鎮都大將尋以
綏撫有能加都督西戎諸軍事征西大將軍領護西域校尉儀
同一司涼州刺史徵為內都大官出為使持節侍中本軍開府
長安鎮都大將雍州刺史後以罪削除封爵以庶子歸宗孝文
南代禎從至洛及議遷都禎首定大計帝以禎既定遷都復封
爵出為鎮北大將軍相州刺史

禎子獻武王英孝文時為平北將軍武州鎮都大將假魏國公
未幾遷都督梁益寧三州諸軍事安南將軍領護西戎校尉仇

池鎮都大將梁州刺史尋鎮荊州

英子文莊王熙自光祿勳除平西將軍東秦州刺史進謁西安將軍尋以本將軍授相州刺史

熙弟誘自衛尉少卿出爲右將軍南秦州刺史

英孫魯郡王肅莊帝初除散騎常侍出爲後將軍廣州刺史後除衛將軍肆州刺史

城陽康王長壽景穆帝子自征西大將軍外都大官出爲沃野鎮都大將在鎮甚有威名

長壽子懷王鸞孝文時自外都大官出爲持節都督河西諸軍事征西大將軍領護西戎校尉涼州鎮都大將改鎮立州以鸞爲涼州刺史姑臧鎮都大將後除使持節征南大將軍都督豫

荊鄆三州河內山陽東來諸軍事又除冠軍將軍河內太守輔并州刺史宣武初除平東將軍青州刺史轉安北將軍定將刺史

鸞子文獻王徽孝明時除右將軍涼州刺史徽以經途阻遠固請不行除散騎常侍其年除後將軍并州刺史加安北將軍拜安西將軍秦州刺史詔書旦至夕發徽以府之秦部請詣闕恭授仍表啟固陳啟不之職莊帝踐祚拜司州牧

徽弟顯恭爲荊州刺史莊帝既殺介朱榮乃除顯恭使持節都督晉建南汾三州諸軍事鎮西將軍兼尚書左僕射西北道行臺晉州刺史

安定請王休景穆帝子孝文初庫莫奚寇邊以休爲使持節侍

中都督諸軍事征東大將軍領護東夷校尉儀同三司和龍鎮
將休撫防有方賊乃款附入爲外都大官蠕蠕犯塞出爲使持
節征北大將軍撫冥鎮大將

休子熒宣武初襲拜太中大夫除征虜將軍峯州刺史後爲幽
州刺史

熒弟永平爲征虜將軍南州刺史

永平弟東萊王貴平莊帝時平北將軍南相州刺史廢帝時以
本任官行青州事還除車騎將軍加散騎常侍遂出爲青州刺
史

章武王彬景穆帝孫繼章武敬王後出爲使持節都督東秦幽
夏三州諸軍事鎮西大將軍西戎校尉統萬鎮大將軍朔州刺

史是時吐京胡反詔彬持節假平北將軍行汾州事率并肆之
衆往討之胡平仍除征虜將軍汾州刺史

彬子融爲征虜將軍別將南討大摧梁衆于時揚州刺史元嵩
爲奴所害勅融行揚州事尋除假節征虜將軍并州刺史又爲
宗正卿以本官行瀛州事遇疾不行未幾除散騎常侍平東將
軍青州刺史還爲秘書監遷撫軍將軍領河南尹

融弟東安王凝莊帝時除持節安東將軍兖州刺史轉濟州刺
史

樂陵密王思譽景穆帝孫繼樂陵康王胡兒後孝文時爲征北
大將軍壯征大都將後除使持節本將軍領護匈奴校尉中都
督中軍都將出爲使持節鎮東大將軍和龍鎮都大將營州刺

史領護東夷校尉

思譽子惠王景畧宣武特襲封拜驍騎將軍除持節冠軍將軍
幽州刺史

景略弟洪略為中軍將軍行東雍州刺史

楊平莊王熙景穆帝孫自懷朔鎮大將除朔州刺史景明六年
薨於青州刺史

頤弟廣陵康侯衍為梁州刺史轉徐州刺史卒於雍州刺史衍
弟欽為司州牧

濟陰王勣景穆帝孫位開府為徐州刺史

勣弟之子靜王誕累遷濟州刺史

勣弟鹿字實孚宣武時拜雍州刺史遷冀州刺史

汝陰威王暹景穆帝孫卒於齊州刺史

暹子慶和為東豫州刺史

暹弟汎自元士稍遷營州刺史

汎弟修義自元士為齊州刺史又遷秦州雍州刺史

廣東文真王康景穆帝孫繼廣平殤王洛侯後宣武親政除洛

州刺史遷鎮州刺史後為光祿大夫兼宗正卿出為兗州刺史

又除平州刺史徙青州刺史尋為關右都督兼尚書行臺安樂

王長樂文成第二子獻文承明元年以大尉出為定州刺史

長樂子詮襲爵宣武初為涼州刺史後除定州刺史詮子鑿襲

爵復除相州刺史

齊郡王子琛繼河間王若後宣武時拜定州刺史孝明時為都

官尚書出為秦州刺史

安豐王猛文成第六子孝文泰和中加侍中出為鎮都大將營州刺史

猛子延明襲爵孝明時為豫州刺史遷都督徐州刺史

咸陽王禧獻文第二子孝文太和中自侍中驃騎大將軍都大官出為使持節開府冀州刺史孝文餞於南郊後禧朝京時將還州孝文親餞之賦詩叙意加禧都督冀相兗東兗南豫東荆六州諸軍事有司奏冀州人蘇僧瓘等三十人稱禧清明有惠政請世昨冀州詔曰利建雖古未必今宜經野由君理非下請邑采之封自有別式入除司州牧都督司豫荆郢洛東荆六州諸軍事開府如故

趙郡王幹獻文第三子孝文太和中自車騎將軍左光祿大夫領吏部尚書拜使持節都督南豫郢東荆三州諸軍事征南大將軍開府豫州刺史及帝南代以幹為事持節車騎大將軍都督關右諸軍事給銅虎符十別賜詩書尋除都督冀定瀛三州諸軍事征東大將軍冀州刺史開府如故後轉特進司州牧幹子謐自太子中庶子出為冠軍將軍岐州刺史以罪罷州還除大司農卿又除散騎常侍平北將軍幽州刺史謐兄諶累遷後將軍泗州刺史固辭不拜後為黃門侍郎進號安國將軍光祿大夫出為散騎常侍中軍將軍相州刺史諶弟譚自羽林監出為高陽太守為政嚴斷孝明初入為直閣將軍遷光祿少卿行南兗州事除征虜將軍涇州刺史又為安

西將軍秦州刺史

廣陵王羽獻文第五子孝文遷都之後北蕃入夷多有未悟羽鎮撫代京內外肅然及車駕南伐羽進號衛將軍除使持節都督青齊光南青四州諸軍事征東大將軍開府青州刺史孝明即位遷司州牧

羽子欣孝明時自通直散騎常侍北中郎將出為冠軍將軍荊州刺史轉征虜將軍齊州刺史欣在二州頗得人和出帝時加太師開府襲廣陵王除太傅司州牧

召兄子直累遷給事黃門侍郎出為冠軍將軍梁州刺史

京兆王愉孝文子太和末拜都督徐州刺史宣武初為護軍將軍遷中書監出為冀州刺史

北齊平秦王歸顏神武族子武成時為司徒威權振主乃拜大宰冀州刺史

任城王湝神武子武平初遷太師司州牧出為冀州刺史加太宰遷右丞相都督青州刺史

隋義城公處綱高祖族父開皇中以右領軍將軍出拜蒲州刺史之民悅之進位大將軍遷秦州總管

滕穆王瓚高祖母弟開皇初拜雍州牧

瓚子倫開皇初拜邵州刺史

衛昭王爽高祖異母弟開皇中拜雍州牧累遷左領軍大將軍權領并州總管轉梁州總管所治甚有聲

河間王弘高祖從祖弟開皇初自右衛大將軍出拜寧州總管

後數載還京未幾拜蒲州刺史得以便宜從事每晉王入朝孔
輒領揚州摠管晉王歸藩復還蒲在官十餘年風教大治

孔子嗣鄒王慶累遷滎陽郡太守頗有治績

秦孝王俊高祖第三子開皇二年拜上柱國河南道行臺尚書

令雒州刺史三年遷秦州總管隴州諸州盡隸焉平陳之後楊

州摠管一十四州諸軍事頗有令聞高祖聞而大悅降璽書獎

勵焉

荀王秀高祖第四子開皇元年拜益州刺史摠管二十四州諸

軍事十二年入為內史令右領軍大將軍尋復出鎮於蜀

漢王諒高祖第五子開皇十二年為雍州牧累加左衛大將軍

十七年出為并州摠管帝幸溫湯而送之自山以東至於滄海

南抵黃河五十二州盡隸焉特許以便宜不拘律令

蔡王智積高祖弟整之子開皇初襲王爵加開府儀同三司授

同州刺史儀衛資送甚盛二十年徵還大業十七年授弘農太

守

觀德王雄高祖族子大業中檢校鄭州刺史歲餘授懷州刺史

尋遷京兆尹

唐永安王孝基高祖從父弟武德初拜陝州總管

廬江王瑗高祖從父兄子武德元年拜信州摠管九年累遷幽

州大都督

魏郡公文暕神符少子也歷幽州都督

膠東公道彥高祖從父弟神通之子武德中授隴州刺史貞觀

初轉相州都督遷岷州都督

吳國公孝逸道彥之弟高祖末爲益州大都督府長史光宅初爲左王鈐衛大將軍揚州行軍大總管

郇國公孝協高祖從父兄叔良之子貞觀中累遷魏州刺史孝斌孝協弟官至原州都督府長史

襄武王琛高祖父兄安之子武德中歷蒲絳二州總管及宋金剛陷澧州時稽胡多叛轉琛爲隰州總管以鎮之

河間王孝恭琛之弟武德二年授信州總管管三年以平蕭銑功遷荊州大總管又以平輔公祐功拜揚州大都督貞觀初除觀州刺史與長孫無忌等代襲刺史

孝恭弟齊壯郡公瑊武德中爲始州刺史

瑊弟漢陽公瓌武德中代孝恭爲荊州都督貞觀四年拜宜州刺史

諶國公崇義孝恭子也歷蒲同二州刺史益州大都督府長史甚有威名

崇義弟晦乾封中累除營州都督以善政聞

淮陽王道玄高祖從父兄子也武德中從太宗討王世充東都平拜洛州總管及府廢改授洛州刺史

武都郡王道明道玄之弟也卒於鄆州刺史

江夏王道宗道玄從父弟也武德五年授靈州總管貞觀元年徵拜鴻臚卿太宗將經略突厥入拜靈州都督十二年坐贖免十三年起爲茂州都督未行轉晉州刺史

盧國公子景常道宗子也官至相州刺史

渤海王奉慈高祖兄子高宗顯慶中累遷原州都督

巢王元吉高祖子武德元年授并州總管并州為劉武周所陷元吉拜稷州刺史六年加隰州總管

荆王元景高祖第六子武德八年授安州都督貞觀初遷雍州牧十年授荊州都督久之轉鄜州刺史

漢王元昌高祖第七子也貞觀五年授華州刺史轉梁州刺史鄴王元亨高祖第八子也貞觀二年拜金州刺史

徐王元禮高祖第十子也貞觀六年授鄭州刺史遷徐州都督十七年轉絳州刺史永徽四年加司徒兼潞州刺史

韓王元嘉高祖第十一子也貞觀六年授潞州刺史十年加本

州都督高宗末轉澤州刺史太后臨朝授定州刺史

武陵王瑒高祖之次子也官至濮州刺史

彭王元則高祖第十二子也貞觀七年授豫州刺史十年除遂

州都督十七年拜澧州刺史

鄭王元懿高祖第十三子也貞觀七年授兗州刺史歷鄭潞絳

三州刺史

嗣鄭王敬元懿之子也官至鄂州刺史

霍王元軌高祖第十四子也貞觀元年拜壽州刺史十年授絳

州刺史尋轉徐州刺史二十三年為定州刺史垂拱初自司徒

出為相州刺史轉青州刺史子緒為金州刺史

虢王鳳高祖第十五子也貞觀七年授鄧州刺史歷虢豫青三

州刺史

平陽郡王翼鳳之長子也官至光州刺史

定襄郡公宏鳳第三子也則天初為曹州刺史

東莞郡公融鳳第五子也垂拱初為申州刺史

道王元慶高祖第十六子也貞觀九年拜趙州刺史十年授豫

州刺史永徽四年歷滑徐沁衛四州刺史

臨淮王誘元慶之子也為澧州刺史

誘弟詢為壽州刺史

鄧王元裕高祖第十七子也貞觀中歷鄧梁黃三州刺史高宗

時又歷壽襄二州刺史兗州都督

王元名高祖第十八子也貞觀十一年拜壽州刺史後歷滑許

宋三州轉石州刺史在州二十年垂拱中除青州又除鄭州轉

滑州刺史

豫章王亶元名子也為江州刺史

魯王靈夔高祖第十九子也貞觀十年授幽州都督十四年授

兗州都督永徽六年轉隆州刺史後歷襄絳滑定等州刺史垂

拱元年授邢州刺史

嗣魯王道堅靈夔孫也歷果龍吉異洛汾滄等七州刺史開元

二十二年檢校魏州刺史未改汴州刺史

江王元祥高祖第二十子也貞觀十一年授蘇州刺史高宗特

歷金鄜鄭三州刺史

永嘉王暉元祥之子永隆中為復州刺史

田府元龜
睿王元曉高祖第二十一子也貞觀九年授號州刺史二十三年轉潞州刺史永徽年歷宣徐二州刺史

滕王元嬰高祖第二十二子也貞觀十五年授金州刺史永徽中遷蘇州刺史尋轉洪州都督歷壽隆二州刺史梁州都督

吳王恪太宗子武德三年授益州大都督以年幼不之官貞觀十二年授安州都督高宗即位拜梁州都督

成王千里恪長子也初名仁永昌元年授襄州刺史後改名千里歷唐廬許衛蒲五州刺史神龍初拜左金吾大將軍兼領益州大都督領廣州大都督五府經畧安撫大使

張掖郡王琨仁之弟也則天朝歷淄衛宋鄭梁幽六刺史

信安郡王禕琨之子也景雲元年為德蔡衛等州刺史開元後

轉蜀濮等州刺史丁母憂起復授瀛州刺史十五年復除授朔方節度副大使知節度事尋遷節度使坐事出為衢州刺史歷

滑懷二州刺史

嗣吳王祗禕之弟也天寶末為陳留太守持節充河南道節度採訪使

濮王泰太宗第四子也貞觀二年授揚州大都督七年轉鄜州大都督並不之官除雍州牧十年遷領相州都督

齊王祐太宗第五子貞觀初授幽州都督遷齊州都督

蜀王愔太宗第六子貞觀七年授襄州刺史十年轉益州都督十三年除岐州刺史

將王暉太宗第七子貞觀八年授洛州刺史十年拜安州都督

永徽三年除梁州都督從歷遂相二州刺史

越王貞太宗第八子貞觀七年授徐州都督十年滁州都督十二年轉相州刺史永徽四年授安州都督咸亨中復轉相州刺史則天臨朝除蔡州刺史琅琊王沖貞長子也歷密濟博三州刺史高陽王雍獻文子孝文太和中自散騎常侍除使持節鎮北將軍相州刺史常侍如故宣武初遷使持節都督冀相瀛三州諸軍事征北將軍開府冀州刺史雍在二州微有聲稱人拜驃騎大將軍司州牧

雍子端自散騎常侍出爲安東將軍青州刺史時梁武遣將寇逼徐楊除端撫軍將軍金紫光祿大夫使持節東南道大使處分軍機事平拜鎮軍將軍兗州刺史

端弟誕孝靜初拜侍中車騎大將軍儀同三司司州牧

北海王祥獻文子孝文太和中累加侍中秘書監趙郡王幹薨以詳行司州牧

詳子顥自都官尚書出除散騎常侍撫軍將軍徐州刺史尋爲御史彈奏除名其後賊帥宿勤明達叱于騏驎等寇亂幽州諸州乃復顥王爵以本將軍加使持節假征西將軍都督華幽東秦諸軍事兼左僕射西道行臺以功進號征西將軍爲征西驃騎大將軍開府儀同三司相州刺史

顥弟瑱自黃門侍郎出除平北將軍相州刺史

彭城王勰獻文子孝文太和中從征馮北除使持節都督南征諸軍事中軍大將軍開府孝明時爲使持節侍中都督冀定幽

瀛營安平七州諸軍事驃騎大將軍開府定州刺史又以本官領揚州刺史

勗子劼起家宗正少卿除使持節假散騎常侍平東將軍青州刺史

勗子韶襲爵武定末為司州牧

紀王慎太宗第十子貞觀七年授秦州都督十七年遷襄州刺史永徽元年拜左衛將軍二年授荊州都督累除邢州刺史文

明元年轉真州刺史

嗣紀王澄慎少子也歷德瀛冀三州刺史趙王福太宗第十三子貞觀十八年授秦州都督二十三年累除梁州都督

曹王明太宗第十四子顯慶中授梁州刺史後歷虢蔡蘇三州刺史

燕王忠高宗長子永徽元年拜雍州牧顯慶元年廢忠為梁王授梁州都督其年轉房州刺史

原王孝高宗第二子也永徽三年拜并州都督顯慶三年累除遂州刺史

澤王上金高宗第三子也永徽三年遷授益州大都督乾封元年累轉壽州刺史有罪免削至永隆二年二月為沔州刺史文
明元年為蘇州刺史垂拱元年改陳州永昌元年為遂州刺史
許王素節高宗第四子永徽中自雍州牧轉岐州刺史被讒出
為申州刺史永隆元年轉岳州刺史累除舒州刺史

邠王守禮章懷太子次子也睿宗景雲二年帶光祿卿兼幽州刺史轉金吾左衛大將軍遙領單于大都護開元初歷虢隴荆襄晉滑六州刺史

漢中王瑀讓皇帝之次子也玄黃幸蜀加漢中太守

隸王琰玄宗第四子也開元十五年遙領太原牧太原已北諸軍節度大使天寶元年六月遙領兼武威郡都督河西隴右經略節度大使

鄂王瑤玄宗第五子也開元十二年遙領幽州都督河北道節度大使

光王琚玄宗第八子也開元十二年遙領廣州都督五府經略大使

儀王璿玄宗第十二子也開元十五年授河南牧

穎王璪玄宗第十三子也開元十五年遙領安東都護年盧軍節度大使安祿山叛除蜀郡都督劍南節度大使

永王璘玄宗第六子也開元十年遙領荊州大都督天寶十五載六月玄宗幸蜀至漢中郡下詔以璘為山南東路及領南黔中江南西路四道節度採訪等使江陵大都督

壽王瑁玄宗第十八子也開元十五年遙領益州大都督劍南節度大使

延王汾玄宗第二十子也開元十五年遙領安西大都護磧西節度大使

盛王琦玄宗第二十一子也開元十五年遙領揚州大都督及

玄宗幸蜀在路除琦爲廣陵大都督仍領江東南路及淮南河南等路節度支度採訪等都使

豐王珙玄宗第二十六子也玄宗幸蜀至扶風郡授珙武威郡都督仍領河西隴右安西北庭等路節度採訪都使珙竟不行

彭王倓肅宗第五子也至德三年除瑾充河東節度大使

兗王倓肅宗第六子也乾元三年領北庭節度大使

涇王倓肅宗第七子也乾元三年領隴右節度大使

睦王述代宗第三子也大歷十年二月詔亮領南節度使營田五府經略觀察處置等大使

丹王逾代宗第五子大歷十年二月詔領渭北鄜坊節度大使

韓王廸代宗第七子大歷十二年二月除昭義軍節度觀察處置等大使

鄜王造代宗第十三子大歷十二年二月除昭義軍節度觀察處置等大使

舒王誼代宗第三子昭靖太子邈之子也建中元年領四鎮北庭行軍涇節度大使三年詔爲揚州大都督持節涇襄江西沔鄂等道節度兼諸軍行營兵馬元帥

通王諶德宗第三子貞元九年十月領宣武軍節度大使汴宋等州觀察支度營田等使王不出閣十一年爲河東節度大使亦不出閣

虔王諒德宗第四子貞元二年領蔡州節度大使申光蔡光察等使十年領朔方靈鹽節度大使靈州大都督十一年十月以

諒領橫海節度大使滄景觀察等使王不出閤十六年以諒領
徐州節度大使徐濠觀察處置等使

建王恪本名審憲宗第七子也元和元年八月授開府儀同三
司鄆州大都督克平盧軍淄青等州節度營田觀察處置陸運
海運押新羅渤海兩蕃等使

梁擲王友裕太祖長子也唐昭宗景福中太祖令權知許州乾
寧二年加檢校司空尋爲武寧軍節度留後四年太祖下東平
改大平留後加檢校司空光啟元年再領許州天復初爲奉國
軍節度留後太祖兼領河中以友裕爲護國軍節度留後尋遷
華州節度使加檢校大保興德尹

廣王全昱太祖長兄也庶人篡位授宋州節度使

惠王友能全昱第二子也末帝時鎮陳州

邵王友誨全昱第三子也未帝時鎮陝州

後唐睦王存乂莊宗即位弟也同光中歷鄜州節度使

魏王繼岌莊宗子也莊宗即位於魏州以岌充北都留守及以
鎮州爲北都又命爲留守

秦王從榮明宗第二子也明宗踐阼天成中授鄴都留守天雄
軍節度使三年移北京留守克河東節度使四年入爲河南尹
末帝長子重吉閔帝嗣位出爲亳州團練使

晉高祖幼子重睿開運二年領秦州三年春移鎮許州

廣王敬威之弟贊高祖從父弟也帝即位遙領忠州刺史天福
中歷曹州防禦使河南節度使開運二年九月出鎮鄧州

韓王暉高祖從弟也天福二年遥授濠州刺史遷曹州防禦使
漢高祖建號晉陽以弟崇爲特進檢校大尉行太原尹漢祖將
南幸以崇爲北京雷守尋加同平章事
蔡王信高祖之從弟也國初爲侍衛馬軍都指揮使兼義成軍
節度使尋移鎮許州

新刊監本冊府元龜卷之二百八十一

新刊監本冊府元龜卷之二百八十二

宗室部

承襲

傳有世及之訓詩著似續之義自成周列爵大封同姓傳祚撫
封興國升降者有之矣其事見於春秋傳及太史公世家銓次
所屬本乎列國秦并天下子弟爲匹夫漢矯其失廣樹藩戚或
象賢資美聯暉奕葉或推恩繼絕慕緒傳世魏晉而下何莫由
斯蓋以隆親親以興仁賢繩繩而流詠使其枝葉扶疎以大庇
本根犬牙相錯以來輔王室者也

漢燕王澤高祖從昆弟也孝文二年薨謚曰敬王子康王嘉嗣
九年薨子定國嗣定國有罪自殺國除哀帝時繼絕也乃封敬

王澤玄孫之孫無終公士歸生為營陵侯無終其所屬縣也分士第一爵歸名生也

楚元王交高祖同父少弟立二十三年薨太子辟非先卒辟非者

辟非辟兵之類也先卒者元王未薨之時已卒也文帝乃以宗正上邳侯郢客嗣郢客元王

次是為夷王郢客立四年薨子戊嗣二十一年戊反誅景帝立

宗正平陸侯禮為楚王禮元王子奉元王後是為文王四年薨子安

道嗣二十二年薨子襄王注嗣十四年薨子節王純嗣十六年

薨子延壽嗣

休侯富楚元王子封六年薨子懷侯登嗣一年薨子敬侯嘉嗣

二十四年薨子哀侯章嗣

沈猶夷侯歲楚元王子封二十年子受嗣

棘樂敬侯調楚元王子封十六年薨子恭侯應嗣十五年薨子

慶嗣

浮丘節侯不害楚安王子封十一年薨子霸嗣

城陽侯德楚元王曾孫昭帝時為宗正地節中以親親行謹封

為陽城侯立十一年子向坐鑄為黃金當伏法德上書訟罪會

薨大鴻臚奏德訟子罪失大臣體不宜賜謚罪嗣制日賜謚繆

侯為制嗣傳至孫慶忌復為宗正大常薨子岑嗣為諸曾中郎

將列校尉至大常薨傳子至王莽敗乃絕

趙幽王友高祖諸姬所生也高后時幽死及孝文即位立幽王

子遂為趙王

河間文王辟疆趙幽王子孝文二年立十三年薨子哀王福嗣

齊悼惠王肥高祖微時外婦所生也立十三年薨子大襄嗣是

為哀王十一年薨子文王則嗣十四年薨無子國除孝文十六年乃分齊為六國盡立前所封悼惠王子列侯見在者為王以揚虛侯將閭為齊王安都侯志為濟北王武成侯賢為淄川王白石侯雄渠為膠東王平昌侯卬為膠西王勃侯辟光為濟南王孝景三年吳楚反齊王狐疑城守不聽及聞漢以齊初興三國有謀欲移兵代齊齊孝王懼飲藥自殺而膠東膠西濟南淄川王皆伏誅國除獨濟北王在齊孝王之自殺也景帝聞之以為齊首善言其初首無逆亂之心以迫劫有謀非其罪也召立孝王太子壽是為懿王二十三年薨子勵王次昌嗣管共侯罷軍齊悼惠王子封二年薨子戌奴嗣氏丘共侯甯國齊悼惠王子封十一年薨子偃嗣

營平侯信都齊悼惠王子封十年薨子廣嗣

楊兵共侯安齊悼惠王子封十二年薨子偃嗣

將揚頃侯就齊孝王子薨子終古嗣

被揚敬侯燕齊孝王子封十三年薨子棟侯偃嗣二十八年薨

子頃侯壽嗣薨子孝侯定嗣定薨節侯閔嗣閔薨子廣嗣

定敬侯越齊孝王子封十三年薨子思侯德嗣二十四年薨子

憲侯福嗣福薨子共侯湯嗣湯薨子定侯乘嗣

稻夷侯定齊孝王子定薨子簡侯陽都嗣陽都薨子載侯咸嗣

三十二年薨子頃侯閔嗣閔薨子永嗣

山原侯國齊孝王子封二十七年薨子康侯棄嗣十四年薨子

定侯守嗣二十二年薨子發嗣發薨孝侯外人嗣

繁安夷侯忠齊孝王子封十八年薨子安侯守嗣守薨子節侯
壽漢嗣壽漢薨子頃侯嘉嗣嘉薨孝侯光嗣光薨子起嗣

柳康侯陽已齊孝王子陽已薨子敷侯罷師嗣罷師薨子于侯
自為嗣自為薨子安侯携嗣携薨子膠侯軻嗣軻薨子守嗣
雲夷侯信齊孝王子封十四年薨子茂發嗣茂發薨子康侯遂
嗣遂薨子釐侯終古薨子得之嗣

弁平共侯溧齊孝王子封五年薨子節侯奴嗣三十一年薨子
敬侯東生嗣二十一年薨子康侯建嗣一年薨子孝侯齧嗣齧薨
子釐侯威嗣威薨子隆嗣

柴原侯代齊孝王子封三十四年薨子節侯勝之嗣二十三年
薨子敬侯賢嗣賢薨子恭侯莫如嗣

城陽景王章齊悼惠王子孝文二年立二年薨子共王喜嗣孝
文十二年從王淮南五年復還王城凡立三十四年年薨子頃
王延嗣二十六年薨子敬王義嗣九年薨子惠王武嗣十年薨
子荒王順嗣三十六年薨子戴王恢嗣八年薨子孝王景嗣二
十四年薨子哀王雲嗣一年薨無子國絕成帝永始元年以雲
弟理紹封

辟土節侯壯城陽共王子封三年薨子明嗣

驪立敬侯寬城陽共王子封六年薨子原侯報德嗣報德薨子
毋害嗣

南城節侯貞城陽共王子封三十二年薨子戴侯猛嗣二十二
年薨子元侯尊嗣二年薨子釐侯元國嗣元國薨子頃侯遂嗣

遂薨子友嗣

廣陵虎侯裘城陽共王子封七年薨子成嗣

項王子封六十二年子夷侯舞嗣薨子頃侯閭嗣閭薨孫永嗣

挾螯侯霸城陽頃王子封三十五年薨子夷侯戚嗣二十一年

薨子節侯賢嗣薨子頃侯思嗣思薨子孝侯衆嗣

瓠節侯息城陽頃王子封五十五年薨子質侯守嗣

虛水康侯禹城陽頃王子封三十八年薨子息侯爵嗣七年薨

子敵嗣

菑川王志齊悼惠王子孝文十六年立為濟北王孝景四年徙

王菑川元朔中齊國絕悼惠王後唯有二國城陽菑川菑川地

比齊北近也武帝為悼惠王家園在齊乃創臨菑東園悼惠王家

園邑盡以予菑川令奉祭祀志立三十六年薨是為懿王子靖

王建嗣二十年薨子頃王遺嗣三十五年薨子思王終古嗣二

十八年薨子考王尚嗣五年薨子孝王橫嗣三十一年薨子懷

王交嗣六年薨子永嗣

劇原侯錯菑川懿王子封十七年薨子孝侯廣昌嗣廣昌薨子

戴侯胥嗣胥薨子質侯吉嗣吉薨子節侯囂嗣囂薨子勝容嗣

懷昌夷侯高遂菑川懿王子封二年薨子胡侯延年嗣延年薨

子節侯勝時嗣勝時薨子可置嗣

平望夷侯賞菑川懿王子封七年薨子原侯楚人嗣二十四年

薨子敬侯光嗣十四年薨子頃侯起嗣起薨子孝侯均嗣均薨

子旦嗣

臨衆敬侯始昌菑川懿王子封十一年薨子康侯革生嗣十八年薨子頃侯廣平嗣廣平薨子原侯農嗣農薨子節侯理嗣理薨子釐侯賢嗣賢薨子商嗣

葛魁節侯寬菑川懿王子封八年薨子戚嗣

益都敬侯胡菑川懿王子封胡薨子原侯廣嗣廣薨子嘉嗣

平的戴侯強菑川懿王子封十七年薨子嗣侯忠時嗣三十年

薨子節侯福嗣十三年薨子頃侯鼻嗣鼻薨子釐侯子利親嗣

利親薨子宣嗣

劇魁夷侯黑菑川夷王子封十七年薨子思侯招嗣三年薨子

康侯德嗣德薨子孝侯利親嗣利親薨子釐侯嬰嗣嬰薨子向

嗣

平度康侯行菑川懿王子封三十七年薨子節侯慶忌嗣三年

薨子質侯帥軍嗣帥軍薨子頃侯欽嗣欽薨子孝侯宗嗣宗薨

子嘉嗣

宜城康侯偃菑川懿王子封十一月薨子福嗣

臨朐夷侯奴菑川懿王子封四十一年薨子戴侯乘嗣乘薨子

節侯賞嗣賞薨子孝侯信嗣信薨子安侯禘嗣禘薨子岑嗣

隆元侯何菑川靖王子何薨子原侯賈嗣賈薨子延壽嗣

廣饒康侯國菑川靖王子封五十年薨子共侯坊嗣十四年薨

子麟嗣

鉞敬侯成菑川懿王子封三十四年薨子頃侯龍嗣五十年薨

子原侯融嗣融薨子閔嗣

俞閭煬侯毋害菑川靖王子封四十四年薨子原侯况嗣十二年薨子隣嗣

淮南勵王長高帝少子孝文六年以謀反發死八年帝憐王有子四人年皆七八歲乃封子安為阜陵侯子勃為安陽侯子賜為周陽侯子良為東城侯十六年帝憐淮南王廢法不軌自使失國早夭乃立勵王三子王淮南故地三分之阜陵侯安為淮南王

濟北貞王勃淮南勵王子孝文十六年封為衡山王孝景四年徙濟北一年薨子式王胡嗣五十四年薨子寬嗣

陰安康侯不害濟北貞王子封十一年薨子哀侯秦客嗣周望康侯何濟北貞王子封八年薨子當時嗣

陪繆侯則濟北貞王子封十一年薨子邑嗣

安陽侯樂濟北貞王子封三十年薨子康侯延年嗣十七年薨子康侯記嗣十五年薨子安侯戚嗣戚薨子哀侯得嗣

羽康侯成濟北式王子封六十年薨子共侯係嗣係薨子棄嗣德哀侯廣高帝兄子封七年薨子頃侯通嗣二十四年薨子康侯斨嗣二十四年薨子何嗣

梁孝王武文帝子立四十五年薨子共王賈嗣十四年薨子平王襄嗣襄立四十年薨子頃王無傷嗣十一年薨子敬王定國嗣三十年薨子夷王遂嗣六年薨子荒王嘉嗣十五年薨子立嗣二十七年有罪自殺國除後王莽白太皇太后立孝王玄孫之曾孫沛郡卒史音為梁王奉孝王後

張梁哀侯仁梁共王子封十三年薨子順嗣代孝王參文帝子立七年薨子共王登嗣二十九年薨子義嗣元鼎中漢廣開以常山為阻依山以徙代王於清河是為剛王并前在代凡立四十年子頃王湯嗣二十四年薨子年嗣年坐事立三年國除元始二年新都侯王莽白太皇太后立年弟子如意為廣宗王奉代王後

利昌康侯嘉代共王子封五十一年薨子戴侯樂嗣十二年薨子頃侯萬世嗣萬世薨子節侯光祿嗣光祿薨子刺侯殷嗣殷薨子換嗣

河間獻王德景帝子三十七年薨子共王不周嗣四年薨子剛王基嗣十二年薨子頃王緩嗣十七年薨子孝王慶嗣四十二

年薨子元嗣十七年坐殺人廢建始元年正月立故河間王弟

上郡庫令良為河間王二十七年子尚嗣

鉅陽憲侯勻河間獻王子封十四年薨子淩嗣

萇節侯退河間獻王子封十六年薨子嬰嗣二十二年薨子釐

侯益壽嗣二十九年薨子安侯克嗣三十三年薨子遺嗣

阿武戴侯豫王間獻王子封二十四年薨子敬侯宣嗣二十年

薨子節侯侯嗣二十三年薨子釐侯嬰嗣嬰薨子頃侯黃嗣黃

薨子長父嗣

參戶節侯免河間獻王子封四十六年薨子敬侯嚴嗣嚴薨子

頃侯元嗣元薨子孝侯利親嗣利親薨子度嗣

州鄉節侯禁河間獻王子封七年薨子思侯齊嗣齊薨子憲侯

惠嗣惠薨子釐侯商嗣商薨子共侯伯嗣伯薨子禹嗣

魯共王餘景帝子立二十八年薨子安王光嗣四十年薨子孝

王慶忌嗣二十七年薨子頃王勁嗣二十八年薨子文王俊嗣

亡後建平三年六月以頃王子部卿侯闕紹封

廣戚侯將節魯共王子將節薨子始嗣

公立夷侯順魯共王子封三十年薨子康侯置嗣置薨子煬侯

延壽嗣九年薨子思侯賞嗣賞薨子元嗣

瑕立節侯政魯共王子封五十三年薨子思侯國嗣四年薨子

孝侯煬嗣十六年薨子煬侯奉義嗣奉義薨子釐侯遂成嗣遂

成薨子禹嗣

江都易王非景帝子立二十九年薨子建嗣以罪國除絕有二

十年平帝時王莽秉政興繼滅絕立建弟盱胎侯子宮為廣陵

王奉易王後

胡叔頃侯胥江都易王子封十六年薨子聖又嗣

趙敬肅王彭祖景帝子立六十三年薨子昌嗣初彭祖取江都

易王寵姬王建所姦淖姬者甚愛之生一男號淖子彭祖以征

和元年薨時淖姬兄為漢官者武帝召問淖子何如對曰為人

多欲帝曰多欲不宜君國子民間武始侯昌曰無咎無譽帝曰

如是可矣遣使者立昌是為頃王十九年薨子懷王尊嗣五年

薨無子絕二歲宣帝立尊帝高是為哀王數曰薨子共王充嗣

五十六年薨子隱嗣

平千頃王偃趙敬肅王小子立十四年薨子繆王元嗣

尉文節侯丙趙敬肅王子封五日薨子侯犢嗣

封斯戴侯胡傷趙敬肅王子封二十五年薨子原侯如意嗣三

十二年薨子孝侯宮嗣宮薨子仁嗣

朝節侯義趙肅王子封十三年薨子戴侯祿嗣祿薨子固城

嗣

象氏節侯賀趙敬肅王子封十八年薨子思侯安意嗣二十八年

薨子康侯千秋嗣十六年薨子鄂嗣

易安侯平趙敬肅王子封二十年薨子康侯種嗣種薨子德嗣

柏暢戴侯終古趙敬肅王子終古薨子朱嗣

栗節侯樂趙敬肅王子封二十七年薨子煬侯忠嗣忠薨子質

侯終根嗣終根薨子况嗣

涑夷侯周舍趙敬肅王子周舍薨子節侯迺始嗣迺始薨子哀

侯勲嗣勲薨文承嗣

猗節侯起趙敬肅王子封十三年薨子夷侯克國嗣二十年薨

子共侯廣明嗣廣明薨子釐侯固嗣固薨子鉅嗣

柳裴戴侯道趙敬肅王子封十二年薨子哀侯尊嗣尊薨子頃

侯章嗣章薨子釐侯景嗣景薨子發嗣

中山靖王勝景帝子立四十三年薨子哀昌嗣一年薨子康王

昆侈嗣二十一年薨子頃王輔嗣四年薨子憲王福嗣十七年

薨子懷王循嗣十五年薨無子絕四十五歲成帝鴻嘉二年復

立憲王弟孫利卿侯子雲客是為廣德夷王二年薨無子絕十

四歲哀帝復立雲客弟廣漢為廣平王薨子後平帝元始二年

四歲哀帝復立雲客弟廣漢為廣平王薨子後平帝元始二年

復立廣川惠王曾孫倫為廣德王奉靖王後

廣望節侯忠中山靖王子封四十年薨子頃侯中嗣十三年薨

子思侯何齊嗣何齊薨子共侯遂嗣嗣薨子閔嗣

臨樂敦古穆字侯光中山靖王子封二十年薨子憲侯建嗣建薨

子列侯固嗣固薨子節侯萬年嗣萬年薨子廣都嗣

東野戴侯章中山靖王子章薨子中時嗣

乘立節侯將夜中山靖王子封十一年薨子戴侯德嗣德薨無

子外人嗣

柳宿夷侯盖中山靖王子封四年薨子蘇嗣

樊輿節侯修中山靖王子封三十六年薨子煬侯過倫嗣過倫

薨子思侯異衆嗣異衆薨子頃侯土生薨子自子嗣

安郭干侯傳富中山靖王子傳富薨子釐侯偃嗣偃薨子崇嗣

長沙定王發景帝子立二十八年薨子戴王庸嗣二十七年薨

子頃王鮒鮒嗣十七年薨子刺王建德嗣三十四年薨子煬王

旦嗣二年薨無子絕歲餘元帝初元三年復立旦弟宗是為孝

王五年薨子魯人嗣三十八年薨子舜嗣

安城思侯蒼長沙定王子封十三年薨子節侯自當嗣自當薨

子壽光嗣

夫夷敬侯義長沙定王子封十二年薨子節侯禹嗣五十八年

薨子頃侯奉宗嗣奉宗薨子釐侯慶嗣慶薨子懷侯福嗣福薨

子商嗣

春陵節侯買長沙定王子封四年薨子戴侯熊渠嗣五十六年

薨子孝侯仁嗣仁薨子敬嗣

都染敬侯定長沙定王子封八年薨子頃侯倓嗣倓薨子原侯
順懷嗣順懷薨子煬侯容嗣容薨無子他人嗣

衆陵節侯賢長沙定王子封五十年薨子戴侯真定嗣二十一
年薨子頃侯慶嗣慶薨子胥嗣

安衆康侯月長沙定王子封三十年薨子節侯山柑嗣二十九
年薨子繆侯毋妨嗣毋妨薨子釐侯褒嗣褒薨子歆嗣歆薨子

崇嗣為王莽所滅建武二年以崇從父弟寵紹建武十三年子
松嗣

廣川惠王越景帝子立十三年薨子繆王齊嗣四十四年薨初
齊坐誣告中尉有司劾大不敬請繁治齊恐上書願與廣川勇

士奮擊匈奴上許之未發病薨有司奏請除國奏可後數月下
詔曰廣川惠王於朕為兄朕不忍絕其宗廟其以惠王孫去為
廣川王去即繆王太子也二十三年以罪國除後四歲宣帝地
節四年復立去兄文是為戴王文素正直素諫王去故帝立焉
二年薨子海陽嗣甘露四年以罪國除後十五年平帝元始二
年復立戴王弟襄隄侯子瘡是為廣德王奉惠王後二年薨子
赤嗣

膠東康王寄景帝子立二十八年薨武帝聞寄有長子賢毋無
寵少子慶毋愛幸寄常欲立之為非次因有過遂無所言帝憐
之立賢為膠東王奉康王祀而封慶為六安匡故衡山地膠東
王賢立十五年薨謚為哀王子戴王通平嗣二十四年薨子頃

王音嗣五十三年薨子共王授嗣十四年薨子殷嗣

六安共王慶立膠東康王子三十八年薨子夷王祿嗣十年薨

子膠王定嗣二十二年薨子頃王光嗣二十七年薨子育嗣

臯虞煬侯建膠東康王子封九年薨子康侯定嗣十四年薨子

節侯哀嗣哀薨子釐侯勲嗣勲薨子頌侯顛嗣顛薨子樂嗣

魏其煬侯昌膠東康王子封十七年薨子原侯博克嗣三十三年

薨子孝侯禹嗣禹薨子質侯矯嗣矯薨子嘉嗣

常山憲王舜景帝子立三十三年薨子勃嗣為王數月廢國除

真定頃王平常山王舜子元昂二十年立二十五年薨子烈王

偃嗣十八年薨子孝王由嗣二十二年薨子安王雍嗣二十六

年薨子共王普嗣十五年薨子陽嗣

泗水思王商常山王舜少子立十三年薨子哀王安世嗣十一

年薨無子於是武帝憐泗水王絕復立安世弟賀是為戴王立

二十年薨有遺腹子煖相內史不以聞太后上書昭帝閱之抵

相內史罪立煖是為勤王立三十九年薨子戾王駿嗣三十一

年薨子靖嗣

燕刺王旦武帝子立三十八年而誅國除後六年宣帝即位封

旦兩子慶為新昌侯賢為安定侯又立故太子建是為廣陽頃

王二十九年薨子稭王舜嗣二十一年薨子思王璜嗣二十年

薨子嘉嗣

廣陵厲王胥武帝子立十三年以罪國除後七年元帝復立胥

太子霸是為孝王十三年薨子共王意嗣三年薨子哀王護嗣

十六年薨無子絕後六年成帝復立孝王子守是為靖王立三
十年薨子宏嗣

高密哀王引廣陵王胥少子立九年薨子頃王章嗣三十三年
薨子懷王寬嗣十一年薨子慎嗣

昌邑哀王髡武帝子立十一年薨子賀嗣六十三年即帝位二
十四日廢為海昏侯四年薨坐故行淫辟不得置後元帝初元
三年以賀子代宗紹封是為釐侯代宗薨子原侯保世嗣保世
薨子侯會邑嗣

淮陽憲王欽宣帝子立三十六年薨子文王玄嗣二十五年薨
子續嗣

楚孝王囂宣帝子立二十八年薨子懷王文嗣一年薨無子絕

陽朔二年成帝復立文弟平陸侯行是為思王二十一年薨子
紆嗣

廣戚陽侯勲楚孝王子勲薨子顯嗣

東平思王宇宣帝二十三年薨子煬王雲嗣以罪自殺國除元
始元年王莽白太皇太后立雲太子開明為東平王開明立三
年薨無子復立開明兄嚴卿侯信子任為東平王奉開明後定
陶共王康元帝子立十九年薨子欣嗣十五年成帝無子徵入
為皇太子帝以太子奉太宗後不得顧私親乃立楚思王子景
為定陶王奉共王後

中山孝王興元帝子立三十年薨子衍嗣七年哀帝無子徵中
山王衍入即位是為平帝太皇太后以帝為成帝後故立東平

思王孫桃鄉頃侯子成都為中山王奉孝王後

新刊冊府元龜卷之二百八十二

新刊監本冊府元龜卷之二百八十三

宗室部

承襲第二

後漢齊哀王章光武長兄續長子建武二年立為太原王十一年徙為齊王立二十一年薨子殤王石嗣立二十四年薨子晃嗣晃立十七年以罪貶爵為蕪湖侯晃卒子無忌嗣章帝以伯升有創大業而後嗣罪廢心常愍之時北海亦絕無後遺詔令復二國永元二年乃復封無忌齊王是為惠王立五十二年薨子頃王喜嗣立五年薨子承嗣

北海靖王興光武長兄續次子建武二年封為魯王嗣光武兄仲立三十九年薨子敬王睦嗣立十年薨子哀王基嗣基立十

四年薨無子章帝憐之不除其國和帝永元二年封睦庶子斟鄉侯威為北海王奉睦後立七年威以非睦子又坐誹謗檻下博侯張齊殤王子建中初卒子它人奉其祀

車徵詣廷尉道自殺永初元年鄧太后復封睦孫光光侯普為北海王是為頃王普立七年薨子恭王翼嗣立十四年薨子康王嗣無後

趙孝王良光武叔父立十六年薨子節王栩嗣立四十年薨子頃王商立二十三年薨子靖王宏立十二年薨子惠王乾嗣乾立四十八年薨子懷王豫嗣豫薨子猷王赦嗣赦薨子珪嗣建安十八年徙封博陵王魏初以為崇德侯

城陽恭王祉光武族兄春陵康侯敞之子建武十一年薨十三年封祉嫡子平為蔡陽侯以奉祉祀平卒子真嗣真卒子禹嗣禹卒子嘉嗣

泗水王欽光武族父建武十年薨封少子殫為堂谿侯奉欽後淄川王終泗水王欽子欽薨終居喪思慕器泣三十餘日亦薨封長子柱為邵侯以奉終祀

宜春侯正泗水王欽從父弟建武二年封子浮嗣封朝陽侯浮傳國至孫護無子封絕延光中護從兄環娶安帝乳母王聖女伯榮為妻得紹護封為朝陽侯王聖敗貶爵為亭侯

安成孝侯賜光武族兄建武二十八年卒子閔嗣閔卒子商嗣徙封為白牛侯商卒子昌嗣

成武孝侯順光武族兄建武十一年卒子遵嗣以罪降為端氏

侯遵卒子弇嗣

順陽懷侯嘉光武族兄建武十九年卒子參嗣有罪削為南鄉侯永平中參為城門校尉參卒子循嗣循卒子章嗣

東海恭王彊光武子立十八年薨子靖王政嗣政四十四年薨子項王肅嗣二十三年薨子孝王臻嗣臻立三十一年薨子懿王祗嗣祗立四十四年薨子羨嗣

沛獻王輔光武子立四十六年薨子孝王廣嗣廣立二十一年

薨子節王正嗣正立十四年薨子釐王定嗣定立三十五年薨

子幽王榮嗣榮立二十年薨子孝王琮嗣琮薨子恭王曜嗣曜薨子契嗣

楚王英光武子立三十三年以罪自殺元和二年追謚楚厲侯

子楚侯种嗣後徙封六年侯

六縣名屬廬江都

种卒子度嗣度卒子拘

嗣傳國于後

濟南安王康光武子立五十九年薨子簡王錯嗣錯立六年薨

子孝王香嗣香立二十年薨無子國絕永建元年順帝立錯于

阜陽侯顛為嗣是為釐王立三年薨子悼王廣嗣

東平憲王蒼立四十五年子懷王忠嗣忠立十一年薨子孝王

敞嗣敞立四十八年薨子頃王端嗣端立四十七年薨子凱嗣

任城孝王尚東平憲王子立十八年薨子貞王安嗣安立十九

年薨子節王崇嗣崇立三十一年薨無子國絕延熹四年桓帝

立河間孝王子博為任城王以奉其祀博立十三年薨無子國

絕熹平四年靈帝復立河間貞王孫新昌侯佗為任城王奉孝

王後

阜陵質王延光武子立五十一年薨子殤王冲嗣冲立二年薨
無嗣和帝復封冲兄魴是為頃王魴立三十年薨子懷王恢嗣
恢立十年薨子節侯代嗣代立十四年薨無子國絕建和元年
桓帝立勃道亭侯便親為恢嗣是為恭王立十三年薨子孝王
統嗣立八年薨子赦嗣

廣陵思王荆光武子立二十九年以罪自殺封荆子元壽為廣
陵侯服王璽授食荆故國六縣元壽卒子商嗣商卒子條嗣傳
國于後

中山簡王烏光武子立五十二年薨子夷王憲嗣憲立二十二
年薨子孝王孔嗣立二十八年薨子穆王暢嗣暢立三十四年

薨子節王稚嗣

琅邪孝王京光武子立三十一年薨子夷王孝嗣孝立二十年
薨子恭王壽嗣壽立十七年薨子貞王遵嗣遵立十八年薨子
安王據嗣據立四十七年薨子順王容嗣容立八年薨建安十
一年復立容子熙為王陳敬王羨明帝子立三十七年薨子思
王鈞嗣鈞立二十一年薨子懷王踈立二年薨無子國絕永寧
元年立敬王子安壽侯為陳王是為頃王立五年薨子孝王承
嗣承薨子愍王寵嗣

彭城靖王恭明帝子立四十六年薨子考王道嗣道立二十八
年薨子頃王定立四年薨子孝王和嗣和立六十四年薨孫祗
嗣魏以為崇德侯

樂城靖王黨明帝子立二十五年薨子哀王崇嗣崇立二月薨
無子國絕明年和帝立崇兄循侯廵為樂城王是為釐王立十
五年薨子隱王賓嗣立八年薨無子國絕明年復立齊北惠王
子長為樂城王長到國驕淫不法安帝貶長爵為臨潮侯延光
元年以河間孝王子得嗣靖王後以樂成地廢絕故改國曰安
平是為安平孝王立三十年薨子續嗣

下邳惠王行明帝子建初四年就國行後病荒忽而太子邛有
罪廢諸姬爭欲立子為嗣連上書相告言和帝憐之使彭城靖
王恭至下邳正其嫡庶賜恭詔曰皇帝問彭城王蓋聞堯親九
族萬國協和書典之所美也下邳王被病沉滯之疾昏亂不明
家用不寧姬妾適庶諸子分爭紛紛至今太子邛頑凶失道陷

于大辟是後諸子更相誣告迄今嫡嗣未不知所定朕甚傷之惟
王與下邳王恩義至親正此國嗣非王而誰禮重適庶之序春
秋之義大居正孔子曰惟仁者能好人能惡人貴人者所好惡
得其中也太子國之儲嗣可不慎歟王其羗次下邳王子可為
太子者上名將及景風拜授印授焉立五十四年薨子貞王成
嗣成立二年薨子愍王意嗣立五十七年子哀王宜嗣

梁節王暢明帝子立三十七年薨子恭王堅嗣堅立三十六年
薨子懷王正嗣正立十一年薨無子順帝封其弟孝陽亭侯成
為梁王是為夷王立二十九年薨子敬王元嗣立十六年薨子
彌嗣立四十年魏受禪以為崇德侯

淮陽頃王昞明帝子永平五年封常山王建初四年徙封淮陽

王立十六年薨未及立嗣永元二年和帝立炳小子惻復為常山王奉炳後是為殤王立十三年薨無子立兄防子侯章為常山王立二十五年薨是為靖王子頃王儀嗣儀立十七年薨子節王豹嗣豹立八年薨子嵩嗣

千乘貞王伉章帝子立十五年薨子寵嗣永元七年改國名樂安立二十八年薨是為夷王子鴻嗣鴻生質帝質帝立梁太后下詔以樂安國土卑濕租委鮮薄委課委輸也改鴻封勃海王立二

十六年薨是為孝王無子太后立桓帝弟蠡吾侯悝為勃海王奉鴻嗣悝蠡吾侯翼子河間王開孫也

清河孝王慶章帝子立二十五年薨子愍王虎威嗣虎威三年薨亦無子鄧太后復立樂安王寵子延平為清河王是為恭王

寵即千乘王伉之子立三十五年薨子蒜立三年以罪貶尉氏侯自殺國

絕明年梁太后立安平孝王子經侯理為其陵王梁龔惡清河名改為其陵

奉孝德皇祀初孝王度子祐為鄧太后所立是為安帝乃追尊孝王為孝德皇是為威王理立

二十五年薨子貞王定嗣定立四年薨子獻王忠嗣

濟北惠王壽章帝子立三十一年薨子節王登嗣登立十五年

薨子哀王多嗣多立三年薨無子永和四年立戰卿侯安國為

濟北王臣欽若等日節王登第五人皆為卿侯安國疑其一也是為釐王安國立十年薨

子孝王次嗣次立七年薨子鸞薨子政嗣

河間孝王開章帝子立四十二年薨子惠王政嗣政立十年薨

子貞王建嗣建立十年薨子安王利嗣利立二十八年薨子陔

嗣陔立四十一年魏受禪以為崇德侯蠡吾侯翼河間孝王子

翼卒子志嗣後為大將軍梁冀所立是為桓帝梁太后詔追尊
翼後

解瀆亭侯淑河間孝王子淑卒子長嗣長卒子宏嗣為大將軍
竇武所立是為靈帝竇太后詔追尊皇祖叔為孝元皇皇考長
為孝仁皇熹平三年拜河間安王利子康為濟南王奉孝仁皇
祀康薨子贊嗣贊為黃巾賊所害子開嗣魏受禪以為崇德侯
平原懷王勝和帝長子立八年薨無子鄧太后立樂安夷王寵
子得為平原王奉勝後是為哀王得立六年薨無子永寧元年
太后又立河間王開子都鄉侯翼為平原王嗣
魏陳忠侯仁太祖從弟黃初四年薨子泰嗣轉封甯陵侯泰薨

子初嗣

高陵亭侯威絕陳忠侯弟建安十五年薨子演嗣正元中進封
平樂鄉侯演薨子亮嗣

樂城恭侯洪太祖從弟太和六年薨子馥嗣長平侯休太祖族
子太和二年薨子肇嗣肇正始中薨子興嗣

邵陵元侯真太祖族子明帝時薨子爽嗣爽誅嘉平中紹功臣
世封真族孫熙為新昌侯邑三百戶以奉真後

任城威王彰太祖子黃初四年薨子楷嗣徙封中平五年改封
任城縣太和六年復改封任城國

東思王植太祖子植薨子志嗣徙封濟北王

蕭懷王熊太祖子早薨青龍二年子哀王炳嗣

豐愍王昂太祖子太祖南征為張繡所害無子黃初二年追封
謚曰封悼公三年以樊安公均子琬奉昂後封中都公其年徙
封長子公五年追加昂號曰豐悼王太和三年改昂謚曰愍王
嘉平六年以琬襲昂爵為豐王琬薨謚曰恭王子廉嗣

相殤王鑠太祖子早薨太和三年追封謚青龍元年子愍王潛
嗣其年薨三年子懷王偃嗣四年薨無子國除正元二年以樂
陵王茂子陽都鄉侯竦繼樂後

鄧哀王冲太祖子建立十三年薨宛侯據子琮奉冲後二十二
年封琮為鄧侯黃初三年進琮爵徙封冠軍公四年徙封己氏
公

沛穆王林太祖子林薨子緯嗣

中山恭王衮太祖子青龍二年薨子孚嗣

濟陽懷王珽太祖子建安十六年封西鄉侯早薨無子二十年
以沛王林子贊襲珽爵邑贊早薨無子文帝復以贊弟壹紹珽
後黃初二年改封濟陽侯四年進爵為公太和四年追進珽爵
謚曰懷王六年又進號曰懷王追謚贊曰西鄉哀侯壹薨謚曰

悼公子常嗣

陳番恭王峻太祖子甘露四年薨子澳嗣

范陽閔王矩太祖子早薨無子建安二十二年以樊安公均子
敏奉矩後太和六年改封敏琅瑯景元中敏薨謚曰原王子焜
嗣

楚王彪太祖子嘉平元年以罪自殺封彪子嘉為常山真定王

郿戴公整太祖子奉從叔父即中紹後建安二十二年封郿侯
二十三年薨無子黃初二年追封爵諡曰戴公以彭城王據子
範奉整後三年封平氏侯四年徙成武大和三年進爵為公青
龍三年薨諡曰悼公無後四年詔以範弟東安鄉公闡為郿公
奉整後

楚安公均太祖子奉叔父薊恭公彬後建安二十二年封樊侯
二十四年薨子抗嗣黃初二年追進公爵諡曰樊安公三年徙
封抗薊公四年徙封屯留公景初元年薨諡曰定公子諶嗣
東平靈王徽太祖子奉叔父即陵哀侯王後止始三年薨子翕
嗣

贊哀王協文帝子早薨太和五年追封諡曰經觴公青龍二年
更追改號諡三年子殤王尋嗣

北海悼王蕤文帝子青龍元年薨二年以琅邪王子贊奉蕤後
封昌鄉景公二年立為饒安王

東海定王霖文帝子嘉平元年薨子啓嗣

元城哀王禮文帝子太和三年薨五年以任城王楷子悛嗣禮
後六年改封梁王

邯鄲懷王邕文帝子太和三年薨五年以任城王楷子溫嗣邕
後二年改封魯王

蜀安平悼王理後主庶弟延熙七年卒子哀王裔嗣十九年卒
子殤王承嗣二十年卒景耀四年詔曰安平王先帝所命三世
早夭國嗣頽絕朕用傷悼其以武邑侯緝襲三位緝理子也

吳沙羨侯真堅弟靜之子嘉禾三年卒子承嗣以昭武中即將代統兵領郡赤烏六年卒無子封承庶弟壹奉真後

丹陽侯裔真兄皎之子皎為征虜將軍建安二十四年卒追錄其功封裔裔卒無子弟晞嗣

都亭侯賁堅光子為征虜將軍豫章太守在官十一年卒子鄰年九歲代領豫章進封都鄉侯鄰字公達雅性精敏幼有令譽赤烏十二年卒

子苗嗣

晉安平獻王孚宣帝次弟也世子邕先孚卒邕子崇為世孫文早夭泰始九年立崇弟平陽亭侯隆為安平王

義陽成王望安平獻王子出繼伯父即秦始皇七年薨子奕早亡以奕子竒襲爵竒好蓄聚太康九年貶為三縱亭侯更以章武

王威河間平王共子為望嗣後威誅復立竒為棘陽王以嗣望河間平

王洪義陽成王子出繼叔父昌武亭侯遺仕魏歷位典農中郎將原武太守封褒賁男武帝受禪封河間王立十三歲成寧二

年薨子威嗣徙封章武威既繼義陽王望更立威弟混為洪嗣混小子滔初嗣新蔡王確與新蔡太妃不協太興二年上疏以

兄弟並沒在遼東章武國絕宜還所生太妃訟之事下太常太常賀循議章武新蔡俱承一國不絕之統義不得替其本宗而

先後傍親案滔既已被命為人後矣必須無復元帝本國永絕然後得還所生今兄弟在遠不得言無道理雖阻復非絕域且

鮮卑恭命信使不絕自宜下遼東依劉群盧諶等例發遣令還繼嗣本封謂滔令未得便委離所後也元帝詔曰滔雖出養自

自有所生毋新蔡太妃相侍甚薄滔執意如此如其不聽終當
紛紜更為不可今便順其所執還襲章武滔歷位散騎常侍薨
子休嗣休與彭城雄俱莽蘇峻蘇峻平休已戰死弟珍時年八
歲以小弗坐咸和六年襲爵位至太宗正薨無詞河間王欽以
子範之繼位至遊繫將軍薨子秀嗣

隨穆王整義陽成王子兄亦卒以整為世子歷南中郎將封清
泉侯先父望薨武帝以義陽國一縣追封為隨縣王子邁嗣太
康九年以義陽之平林益邁為隨郡王

太原成王輔安平猷王子輔薨子鑠立

南宮縣王翼安平猷王子武帝未受禪而卒以兄邕之支子承
為嗣承薨子祐嗣

不邛猷王晃安平猷王子咸寧六年薨二子褒綽褒早卒綽有
篤疾別封良城縣王以太原王輔第三子韜為嗣官至侍中尚
書早薨子詔立

太原烈王瓌安平猷王子秦始皇十年薨子顥立徙封河間王河
間王顥太原烈王子永嘉初為南陽王模所害詔以彭城元年
植子融為顥嗣改封樂城縣王薨無子建興中元帝又以彭城
康王釋子欽為融嗣

高陽王珪安平猷王子秦始皇十年薨珪有美譽於世而帝甚悼
惜之無子詔以太原王輔子緝襲爵緝立五年咸寧四年薨謚
曰哀無子太康二年詔以太原王瓌世子顥子詒為緝後
常山孝王衡安王子秦始皇二年薨無子以安平世子邕第四子

敦為嗣

沛順王景安平獻王子咸寧元年薨子韶立

彭城穆王權宣帝弟廼之子咸寧元年薨子元王植立植薨子康王釋立權薨子雄立坐奔蘇峻伏誅更以釋子紘嗣紘薨子玄嗣玄薨子孔之立位至散騎常侍薨子邵之立薨子崇之立薨子緝之立

高密文獻王泰宣帝弟廼之子元康九年薨子略立永嘉三年薨子據立薨無子以彭成康王子紘為嗣其後紘歸本宗立紘子俊以奉其嗣俊薨子敬王純之立純之薨子恢之立

東海孝獻王越高密文獻王子元帝時以越世子毗沒於石勒不知存亡乃以第三子冲繼毗後稱東海世子以毗陵郡增本

封邑萬戶又改食下邳蘭陵以越妃裴氏為太妃薨因發毗喪冲即王位以滎陽益東海國轉車騎將軍徙驃騎將軍咸康七年薨年三十一贈侍中驃騎大將軍儀同三司無子成帝詔曰哀王無嗣國統將絕朕所哀也其以小晚主奕繼哀王為東海王以道遠罷滎陽更以臨川郡益東海及哀帝以琅邪王即尊位徙奕為琅邪王東海國闕無嗣奕後入篡太業桓溫廢之復為東海王既而貶為海西公東海國又闕嗣陵安三年安帝詔以會稽忠王次子彥璋為東海王繼哀王為曾孫改食吳興郡為桓玄所害國除

新蔡武哀王騰高密文獻王子騰以戰死庶子確立是為莊王確無子初以章武王混子滔奉其祀其後以汝南威王祐子弼

為璿後大興元年薨無子又以弼弟邈嗣確位至侍中薨子晃立拜散騎侍郎桓溫廢武陵王晃晃為庶人徙衡陽孝武帝立晃弟崇繼邈嗣

范陽康王綏宣帝弟旭之子咸寧五年薨子虓立虓薨無子養南陽王模子黎為嗣

濟南惠王遂宣帝弟恂之子秦始皇二年薨二子耽緝嗣咸寧二年徙為中山王是年薨無子緝繼

譙剛王遜字子悌宣帝弟進之子秦始皇二年薨子定王隨立隨薨子邃立沒於石勒元帝以遜次子承嗣是為閔王承為王廙所害子無忌立是為烈王無忌永和六年薨二子恬情恬立是為敬王太元十五年薨子尚之立是為忠王為桓玄所害玄上

疏以閔王不宜絕祀乃更封尚之從弟康之為譙縣王安帝反正追贈尚之衛將軍以尚之弟休之長子文思為尚之嗣襲封譙郡王

廣晉伯愔譙列王子早卒無子兄恬以子允之嗣

高陽王睦譙剛王弟元康元年薨世子蔚早卒孫毅立永嘉中沒於石勒隆安元年詔以譙敬王恬次子恢之子文深繼毅後立五年薨無詞復以高密王純之子法運繼之

任城景王陵字子山宣帝弟通之子咸寧五年薨子濟立

西河繆王斌任城景王子咸寧四年薨子隱立薨子晉立

平原王幹字子良宣帝子永嘉五年薨有二子世子廣早卒次子承以太熙中封安德縣公

琅邪武王伉宣帝子大康四年薨子恭王覲立覲拜冗從僕射
太熙元年薨時年三十五子睿立是為元帝元興初帝以皇子
褒為琅邪王奉恭王祀褒早封子哀王安國立未踰年薨更以
皇子煥為琅邪王初煥封顯義亭侯尚書令刁協奏昔魏臨菑
侯以邢顥為家丞劉禎為庶子今侯幼弱宜選明德帝令曰臨
菑萬戶封又植少有才能同遊田蘇者令晚生矇弱何論於此
間封此兒不以寵稚子也亡弟當應繼嗣不獲已耳家丞庶子
足以攝祀祭而已豈宜屈賢才以受無用乎及煥疾篤乃不詔
封為琅邪王嗣恭王後俄而薨年二歲以皇子昱為琅邪王咸
和之初既徙封會稽成帝又以康帝為琅邪王康帝即位封成
帝長子哀帝為琅邪王哀帝即位以廢帝為琅邪王廢帝即位
以會稽王攝行琅邪國祀簡文帝登阼琅邪王無嗣帝封少子
道子為琅邪王道子後為會稽王更以恭帝為琅邪王帝既即
位琅邪國除

武陵莊王澹琅邪武王子永嘉末為石勒所害子哀王喆立喆
無子其後元帝立皇子晞為武陵王以奉澹祀晞為桓溫所廢
太元六年卒二年追封武陵王子忠敬王遵嗣義熙四年薨子
定王季度立拜散騎侍郎薨子球之立

東安王繇琅邪武王子永康中為成都王穎所害後立琅邪王
覲子長樂亭侯渾為東安王以奉繇祀

淮陵元王漼琅邪武王子為宗正薨子貞王融立薨無子安常
特立武陵威王孫蘊為淮陵王以奉元王之祀位至散騎常侍

薨無子以臨川王寶子安之為嗣

清惠亭侯京宣帝子年二十四薨以文帝子機為嗣秦始元年封燕王機無子齊王固表以子機嗣

扶風武王駿宣帝子駿薨子暢嗣改順王

新野莊王歆扶風武王子為張昌所害無子以九子邵為後汝南文武王亮宣帝子惠帝時趙王瑋矯詔誅亮及其世子矩短為亂兵所害瑋誅追復亮爵謚矩為懷王子祐立是為威王祐咸和元年薨子恭王統立以南頓王宗謀反被廢其後成帝哀亮一門殄絕詔統復封統薨子義立義薨子遵之立以罪伏誅弟楷之子連扶立

梁孝王彤宣帝子永康二年薨無子以武陵王澹子禧為後是為懷王沒於石勒元帝時以西陽王柔子悝為彤嗣悝早薨是為殤王至是懷王子翹自石氏歸國得立是為聲王官至散騎常侍薨無子詔以武陵威王子璿為翹嗣歷永安太僕與父晞俱廢徙新安薨太元中復國子赫立薨子珍之立

齊獻王攸文帝子景命無子命攸為嗣徙封武陽侯後改安昌武帝踐詐封齊王攸薨子固嗣固誅永興初詔以齊王固輕陷重刑前勲不宜慳沒乃赦其三子超冰英還第封超為縣王以維罔祀及洛陽傾覆超兄弟皆沒于劉聰罔遂無後太原中詔以故南頓王宗子柔之襲封齊王紹攸罔之祀

城陽哀王兆文帝子年十歲而夭武帝踐詐詔曰亡弟天秋少聰慧有夙成之質不幸早亡先帝先後特所哀愍先后欲紹立

其後而竟未遂每遣遺意情懷感傷其以皇子景度為千秋後
雖非典禮亦近世之所行且以述先後本旨也於是追加北封
謚景度以秦始六年薨復以第五子憲繼哀王後薨復以第六
子祗為東海王繼哀王後薨咸寧初又封第十三子遐為清河
王以繼北後

遼東悼惠王定國文帝子年三歲薨咸寧初追加封謚齊王攸
以長子彊為嗣彊薨子遵嗣

廣漢殤王廣德文帝子年二歲薨咸寧初追加封謚齊王攸以
子贊紹封贊薨攸更以子寔嗣廣德後

樂安平王鑿文帝子元康七年薨子殤王籍立籍薨無子齊王
罔以子冰紹鑿後以濟陰萬一千二百一十九戶改為廣陽國

立冰為廣陽王

楚隱王瑋武帝子以罪誅永寧元年封其子軌為襄陽王

長沙厲王乂武帝子後被永安元年詔長沙王乂輕陷重刑封
其子紹為樂平縣王以奉其嗣永嘉中懷帝以又子碩嗣

成都王穎字章度武帝子以罪縊永嘉中立東萊王彊子遵為
穎嗣封華容縣王

毗陵悼王軌武帝子二歲而夭太康十年追加封謚以楚王瑋
子義嗣

秦猷王東武帝子元康元年薨無子以淮南王乂子郁為嗣郁
與乂俱被害永寧二年追謚曰悼又以吳王晏子鄴嗣

始平哀王裕武帝子咸寧三年薨年七歲無子以淮南王乂子

廸為嗣太康十年改封漢王

淮南忠莊王允武帝子為趙王倫子虔所害允三子皆被害齊王罔上表以息超繼允後罔敗超幽金墉城後更以吳王晏子詳為嗣

代哀王演武帝子演薨無子以成都王穎子廓為嗣改封中都王

清河康王遐武帝子永康元年薨子單詞單為皇太子以弟新蔡王篤還封清河王

會稽思世子道生字延長簡文之子也以幽廢卒無後及孝武帝即位嘗晝見道生及臨川獻王郁郁曰大郎饑乏辛苦言竟不見帝傷感因以西陽王柔玄孫珣之為後

臨川獻王郁簡文子年十七薨寧康初追封郡王以武陵威王曾孫寶為嗣

會稽文孝王道子簡文子出琅邪孝王及恭帝為琅邪王道子受封會稽國後為桓玄所害義熙元年以臨川生寶子脩之為道子嗣是為悼王

新刊監本冊府元龜卷之二百八十三

新刊監本冊府元龜卷之二百八十四

宗室部

承襲第三

宗長沙景王道憐高祖中弟也永初三年薨子成王義欣嗣元
嘉十六年薨子悼王瑾嗣瑾為元凶所殺瑾子粲早夭粲弟纂
嗣

桂陽恭侯義融長沙景王子元嘉十八年卒子孝侯凱嗣凱為
元凶所殺無子弟襲以子晃繼封

臨澧忠侯襲桂陽恭侯子秦始六年卒於中護軍子旻嗣旻明
二年改封東昌縣侯

新喻惠侯義宗長沙景王子元嘉二十一年卒子懷侯玠嗣為

元凶所殺無子弟兼以子承繼封

興安惠侯義賓長沙景王子元嘉二十五年卒子惠侯綜嗣綜卒子憲嗣

營道僖侯義纂長沙景王子孝建元二年卒子長猷嗣

臨川烈武王道規高祖少弟義熙八年薨無子以長沙景王弟二子義度為嗣是為康王初太祖少為道規所養高祖命紹焉咸以禮無二繼太祖還本而定義慶為荊州廟主當隨往江陵義慶幼為高祖所知常曰此我家豐城也年十三襲封南郡公永初元年襲封臨川王元嘉二十一年薨子哀王燁嗣為元凶所殺子綽嗣

廬陵孝獻王義真高祖子景平二年罪誅無子太祖以第五子紹為嗣元嘉九年襲封紹無子以南平王鑠第三子敬元嗣是為恭王無子秦始皇元年以世祖第二十一子晉熙王子與為紹嗣封廬陵王未拜為太宗所殺後更以桂陽王休範第二子德嗣紹元徽二年與休範俱伏誅國復絕三年復以臨澧忠侯襲第三子暉繼紹是為元王

彭城王義康高祖子元嘉二十八年賜死子泉陵侯亢等為元凶所殺永光元年太宰江夏王義恭表曰臣聞忝祖遠斥猶或慮親降霍省序義重全戚故嚴道疾終嗣啓方宇阜陵愆屏身遲晚息竊惟故庶人劉義康昔昧姦回自貽非命沈魂漏疾垂議來典運華三朝歲盈三紀天地改朔日月再升陶形賦質咸象更始義康妻息漂沒早違盛化衆女孤弱永淪黔首即情原

豐本非已招感事哀然俯增傷咽敢緣陛下聖化融泰春澤覃被慈育群生仁被泉草實希洗宥還幽帝室則施及陳根榮加幽壤臣特憑國私冒以誠表塵觸靈威伏祇悲悻詔曰大宰表如此公緣情追遠覽以增懷昔淮楚推恩祚流支裔抑法引親古今成惟便以公表付外依旨奉行故泉陵侯亢橫罹凶害可特為置後

江夏文獻王義恭世子叡為元凶所害孝武太明二年以第四子子綏繼封食邑二千戶追謚叡曰宣王子綏死後太宗以第八子 繼義恭為孫封江夏王食邑五千戶

南豐王即江夏文獻王子長子為元凶所害孝建元年以宗室祇長子歆繼封祇伏誅歆還秦始三年更以宗室韞第二子銑繼封與韞俱死順帝昇明二年復以宗室琨子績繼封

衡陽文王義季高祖子元嘉二十四年薨子恭王焜嗣大明七年薨子伯道嗣

南平穆王鑠文帝子孝武即位初薨子敬猷詞為前廢帝所殺太宗即位追贈敬猷侍中謚曰懷改封孝武帝第十八子臨賀王子產為南平王繼鑠後未拜被殺秦始五年立晉平王休祐第七子宣曜為南平王繼鑠休祐元宣曜被發還本後廢帝元徽元年立衡陽恭王焜第二子伯玉為南平王繼鑠後

建平宣簡王宏文帝子太明二年薨子景素先以罪伏誅孝武封長沙成王義欣子勰第三子恬為枊歸侯食邑千戶繼宏後晉熙王祖文帝子景和中被害二子長曰思遠次曰懷遠尋並

卒秦始皇六年以第六皇子燮繼祖封為晉熙王

始安王休仁文帝子秦始皇六年遇害子伯融廢徙丹陽縣後廢
帝元徽元年還京邑襲封鄱陽哀陽休業文帝子孝建三年薨
大明六年以山陽王休祐次子士弘嗣封

臨慶冲王休倩文帝子孝建元年始九歲封東平王未拜薨大
明七年立第二十七皇子子嗣為東平王紹休倩後太宗秦始皇
二年還本國絕六年以第五皇子智丹為東平王繼休倩未拜
薨其年追改休倩為臨慶王以臨賀郡為臨慶國立第八皇子
躋為臨慶王食邑二千戶繼休倩後明年還本國太祖所愛故
前後屢加紹門嗣

巴陵哀王休若文帝子秦始皇七年賜死子冲襲封

始平孝敬王子鸞孝武帝子為前廢帝所害明帝即位詔以建
平王景素息延年為嗣追改子鸞封為始平王食邑千戶延年
秦始皇四年薨時年四歲謚曰冲王明年復以長江王篡子延之
為始平王紹子鸞後

武陵王贊明帝子秦始皇六年生其年詔曰世祖孝武皇帝雖恃
尊墮怠勲狹政施樂飲無饗事因於寧泰任威縱費義緣於務
寡故以積怨動天流殃裔嗣景和肇豐義嘉成禍世祖繼休陷
憲無遺昔皇家中圯舍生懼滅賴英孝感舊掃雪寃耻勲績墜
歷極茲窮氓繼絕追遠禮訓攸尚况既帝且兄而缺斯典今以
第九子智隨奉世祖為子武陵郡太明之世事均代邦可封智
隨武陵王食邑五千戶尋世祖一門女累不少既無釐摠義須

防閑諸侯雖不得祖稱天子而事有一家一切且歸寧有所疾疾相營得失是任閨房有稟朕應天在位恩深九族庶此足申追睦之懷教愛之旨

南齊衡陽元王道度太祖長兄卒於宋世建元元年追加封謚無子太祖以第十一子鈞係道度後隆昌元年遇害明帝即位以永陽王子珉仍本國繼元王為孫子珉世祖第二十子永泰元年見害年十四復以武陵昭王暉第三子子坦奉元王後曲江康公遙欣衡陽元王子宣第九子西平太守奉之無後以遙欣繼為曾孫建武元年封聞喜縣公尋改封曲江公

始安貞王道生太祖次兄宋世卒建元元年封謚長子鳳早卒明帝建武元年追封始安王謚曰靖子遙光嗣遙光生有躄疾太祖謂不堪奉拜祭祀欲封其弟世祖諫乃以遙光襲爵遙光反誅以江陵公寶覽為始安王奉靖王後安睦昭王緬始安貞王子初封安陸侯建武元年追封安陸王子寶暄嗣永元元年以安陸郡邊魏改封湘東王

南豐懿伯赤斧太祖從祖弟武帝時卒於家子頴胃襲爵

豫章文獻王嶷太祖第二子武帝時薨世子子廉早卒子元琳嗣

竟陵王子良世祖隆昌中薨子昭胃嗣

梁長沙宣武王懿高祖長兄天監元年追封子元王業襲封業薨子章王孝儼嗣儼薨子睿嗣

永陽昭王敷高祖次兄天監元年追封子恭王伯游嗣

衡陽宣王暢高祖弟天監元年追封子孝王元簡襲封十八年卒子俊嗣

桂陽簡王融高祖次弟天監元年追封無子詔以長沙宣武王第九子象嗣襲封爵是為敦王大同二年薨子造嗣

臨川靖惠王宏高祖弟普通七年薨子正仁早卒謚曰哀世子無子高祖詔宏子羅平侯正立為世子由宏意也宏薨正立表讓長兄正義為嗣高祖嘉而許之封正立千戶侯

建安敏侯正立臨川靖惠王子薨子賁嗣

安成康王秀高祖弟普通元年薨世子機嗣是為煬王機薨子操嗣後梁文宣踐位復以機子欣襲封

南平元襄王偉高祖弟大通四年薨世子恪嗣是為靖節王

鄱都忠烈王恢高祖弟普通七年薨世子範嗣

始興忠武王憺高祖弟普通三年薨長子亮嗣

吳平忠侯景高祖從父弟天監末卒于揚州刺史子光侯勵嗣

南康簡王績高祖子大通二年薨子會理嗣

廬陵威王續高祖子大同二年薨子安嗣

豫章安王曄昭明太子長子大通三年封位江州刺史薨子棟

嗣

陳始興昭烈王談高祖兄即位初追封談有二子舊為文帝

為宣帝高祖以宣帝襲封及文帝入纂時宣帝在周未還帝以本宗乏饗其年十月下詔曰昔者皇肇建封樹放戚朕親地攸在特啓大邦第項嗣承門祀雖土宇開建薦鄉莫由重以遭家

不造閔凶夙邁諸貳遐隔耑重未反猥以眇身膺茲景命式脩
國鼎水谷戴懷今既入奉太宗事絕藩裸始興國廣蒸嘗無主
瞻言霜露感心慟絕其徙封嗣項為安成王封第二子伯茂為
始興王以奉昭烈王祀賜天下為父後者爵一級庶申罔極之
情永保山河之祚光大二年以罪誅後主太建元年立弟叔敦
為始興王奉昭烈王祀

永脩定侯擬高祖從子天嘉元年卒子黨嗣遂興侯詳高祖從
子天嘉五年戰死子正理嗣

衡陽獻王昌高祖子天嘉元年自長安還都渡江舡環而卒無
子文帝以弟皇子伯信為嗣

南康愍王曇即高祖母弟忠在王休先之子曇即為質於齊天
嘉元年詔曰南康王曇即出隔齊庭反身莫測園廣方脩奠饗
順主可以長男方泰為南康世子繼南康王後及聞曇即薨於
是襲爵

衡陽獻王昌高祖子初與宣帝俱遷長安天嘉元年自周還朝
於道薨其年文帝立第七皇子信為衡陽王奉獻王祀

桂陽王伯謀文帝子至德元年薨子鄴嗣

河東康簡王叔獻宣帝子太建十二年薨子孝寬嗣

後魏上谷公紇羅神元帝曾孫紇羅卒子題賜爵襄城公後進
爵為王題卒子悉爵為襄公

高涼神武王孤文皇帝子孤薨子斤失職斤子真藥頗有戰功
後襲祖封明元初改封平陽王薨子禮襲本爵高涼王禮薨謚

懿王子那襲坐事伏法歃文即位追那功命子紇紹封紇薨子
大曹嗣孝文時改封太原郡公卒無子國除宣武又以大曹兄
從子洪威紹

松滋侯度高涼神武王孫度卒子乙忻襲爵襄陽侯乙忻卒子
平襲世爵松滋侯以軍功賜艾陵男卒子長孝文時襲爵松滋
侯例降賜艾陵伯長卒子華襲爵後於弟子思俱賜死長弟珍
字金襲爵艾陵男

上黨王天穆松滋侯平子天穆卒子儼襲

西河公敦平文帝曾孫敦卒子撥襲

河間宣公與都平文帝之後與都卒子提襲父侯爵

河間敬公齊烈帝之玄孫齊卒長子陵襲爵

文安公泥國之踈族泥卒子屈襲

衛王儀恭明王翰子道武時賜死子良明元時追錄儀功封南
陽王以紹儀後

陰平熹王烈衛王儀弟明元時薨子求襲

秦愍王觚陰平王烈弟道武時追謚封子夔為豫章王以紹觚
常山王遵昭成帝孫天賜四年坐醉亂夫禮賜死塋以庶人禮
子素明無從母所生特見親寵太武初復襲爵是為康王
既陽子可悉陵常山康王子可悉陵卒弟陪斤襲

城陽宣公忠常山康王子忠卒子盛襲爵

河間公德常山康王子卒於鎮南將軍德子卒於光州刺史謚
曰恭子崑薨於瀛州刺史謚曰懿忠子暉襲謚曰文憲

陳番桓王虔昭成帝孫道武時追封又封其子悅為朱提王悅
賜死太武昭弟崇令襲桓王爵是為景王崇薨子建襲

蒲城侯覬昭成帝孫太武時卒子嶮襲爵以公進封隴西公卒
謚定公子琛襲爵

武遂子枝于昭成帝曾孫枝于卒子受洛襲進爵武邑公彭城
公勃昭成帝孫勃卒長子栗襲

豐陽公庫汗彭城公孫庫汗卒子古辰襲

陽平王熙道武子太常六年薨長子靖王他襲爵他世子吐萬
早卒吐萬子僖王顥襲祖爵子康王世遵襲孝昌元年薨子敬
先襲敬先為元顥所害子宣洪襲

祥河公北陵陽平王熙子為安遠將軍卒子天琚襲卒子延伯

襲

河南王暉道武子太常七年薨長子提大武時襲爵改封賴襲

王後改封武昌太安元年薨年四十七謚曰成王長子平原襲

爵卒謚曰簡王平原有五子長子和為沙門捨其子顥以爵讓

其次弟鑿鑿因辭詔許其身鑿終之後令顥襲爵鑿乃受之鑿

薨之後與鑿子伯宗兢求承襲尚書令高肇奏和太和中出為

沙門讓爵於鑿鑿後以和子顥年在弱冠宜承基緒永遜王爵

以歸正裔先朝詔終鑿身聽如其請鑿既薨遊和求襲封謹尋

昭旨聽傳子顥不許其身和先讓後求有乖道素請令宗伯承

襲宣武詔曰和初以驥鑿而鑿還讓其子交讓之道於是乎著

其子早終可聽和襲和正光四年薨子諫襲莊帝初遇害子楚

襲

河間王脩道武子恭常元年薨無子太武詔河南王暉子瑒見襲脩爵改封洛陽

廣平王連道武子始光四年薨無子太武以陽平王熙第二子渾為南平王以繼連後渾太和十一年從駕巡方山道薨子飛襲後賜名霄太和十七年薨謚曰安王子纂襲景明元年薨於平城子伯和襲永平三年薨謚曰哀王伯和無子以弟文華子仲固襲王封後為蕭寶寅所害謚曰武真子承宗襲早卒以纂弟安平子仲略繼

京兆王黎道武子神龜元年薨子根襲改封江陽王薨無子獻文以南平王霄第二子繼為根後繼襲封江陽王永安二年薨謚曰武烈長子伯熙卒子亮襲

樂平廢王丕明元子後坐事以憂薨子拔襲爵

樂安王範明元子後坐事暴薨長子簡王良文成時襲王永昌莊王健明元子健薨子仁襲

東平王翰太武子翰薨子道符襲爵

臨淮宣王譚太武子譚薨子提襲提以貪縱削除卒孝文時追封長鄉侯宣武時謚曰懿提子昌復封臨淮王未拜而薨謚康王追改封濟南王其子或紹封或薨謚文穆王無子弟孝友襲爵

廣陽簡王建太武子建薨子哀王石侯襲石侯薨子定王遣興襲無子石侯弟懿列王嘉襲嘉薨子忠武王深襲爵深為諸葛

榮所害子文獻王湛襲封湛薨子法輪坐叔父瑾謀殺齊文襄
事泄合門伏法齊王矜湛覆滅乃啓源之復其爵土

陽平幽王新成景穆長子新成薨長子安壽襲爵孝文賜名順
義陽王子孝陽平幽王子後降為公卒子贊嗣

京兆王子推景穆子薨子太興襲後為沙門太和二十二年終
子昂宿襲薨子文王宗襲

汝陽王仲景京兆王太興子孝靜時薨子冲襲

濟陰惠王小新城景穆子薨子鬱襲位以贖貨賜死爵除詔以
鬱弟偃子誕立為嫡孫特聽紹封是為靜王子撫襲先是鬱長

子弼以世嫡應襲先爵為季父尚書僕射麗因于氏親寵遂奪
弼王爵建義元年弼子暉業訢復王爵永安三年謚弼為文獻

王初弼常夢人謂之曰君身不得傳世封其紹先爵者君長子
紹遠也弼卒即加暉業終如其言

汝陰靈王天賜景穆子孝文時以罪削除及卒復本爵子威王
暹嗣暹薨子文王脩嗣脩薨子均入西魏封安昌王薨謚平王

子則襲封

樂良勵王萬壽景穆子以憂薨子康王樂平襲樂平薨子長命
襲坐殺人賜死子忠孝明時復前爵

廣平殤王洛侯景穆子和平二年薨無子後以陽平幽王第五
子正後之為度支尚書正表引樂陵章武之例求紹洛侯封紹

付尚書譏尚書奏聽襲封以明興絕之義後加鎮東將軍詔曰
故廣平殤王洛侯肱自恭宗茂年薨殞國除祀廢不祀忽諸正

親同若子私繼歲久宜樹維城永茲盤石可特襲王爵後改封東平郡王卒改濟南王第四子猷襲猷薨子祖育襲

任城康王雲景穆子雲薨長子文宣王澄太和中襲封澄薨第四子文王彞襲彞卒子度世襲

高平剛侯嵩任城康王子為蒼頭李太白所害第二子携襲爵除給事中薨子景遠襲

南安惠王禎景穆子禎薨子英改封中山王英累遷尚書僕射薨謚猷武王次子熙好學有文才然輕藻浮動英慮非保家之王常欲廢之立第四子畧為世子宗義不聽畧又固請乃止延昌二年薨封時領軍于忠執政熙忠之壻也驟遷平西將軍熙薨謚曰文莊王長子景猷次仲猷次淑猷並與熙同遇害淑猷弟叔仁以年幼獲全襲先爵除征虜將軍復須遇害于琳襲熙弟誘亦欲誅子始伯襲誘弟畧為爾朱榮所害謚曰文貞子景式襲略弟纂與熙俱死子猷襲

武邑王義興南安惠王子義興薨子述襲

城陽康王長壽景穆諸子子多侯早卒次子鸞始繼叔父章武敬王及兄卒還襲父爵鸞薨子徽宣武時襲封後為爾朱兆所殺出帝初子延襲爵徽兄顓死於晉陽刺史子彥昭襲

章武敬王太洛景穆諸子皇興二年薨無子孝文初以南安惠王第二子彬為後襲爵彬卒子融死王事子景哲襲景哲弟即即後廢帝子黃頭襲封安定王改封安平王融弟疑永熙二年終安東將軍兗州刺史子彥友襲武定中為光祿大夫疑弟湛

位少卿遇害子後襲

樂陵康王胡兒景穆子薨無子獻文詔胡兒兄女陰王天賜之
第二子永全後之襲封後改名思譽正始四年薨謚密王子景
略宣武時襲封位至幽州刺史薨謚惠王子霸休

安定靖王休景穆子休薨長子安幼早卒次子燮襲燮薨子超
襲時以胡珍國封安定公改封北平安後復本封害子孝景襲
安樂厲王長樂文成子以罪賜死於家子詮襲詮薨謚曰武康
子鑒襲

廣川莊王略文成子太和四年薨子諧襲薨謚曰剛子靈道襲
河間孝王若文成子年十六薨詔京兆康王子太安為後太安
於若為從弟非相後之義廢以齊郡王子琛繼

安豐王猛獻文武子太和中薨於營州刺史子延明襲

咸陽王禧獻文子以罪賜死正光中復禧王爵子坦襲改封敷
城王永安初復本封咸陽郡王

趙郡陵王幹獻文子幹薨長子謚宣武初襲封謚薨謚曰貞景
子毓襲莊帝初遇害謚曰宣公無子詔以謚弟猷子為後襲爵
趙郡孝懿王湛靈王子莊帝初封魏郡王湛本年長應襲王封
其父靈王寵愛其弟謚以為世子莊帝詔復湛封趙郡王薨子
熈襲

廣陵惠王羽獻文子羽薨子恭襲

高陽文穆王雍獻文子雍與嫡子大同時遇害太子斌大凡安
德縣公端與雍俱遇害子峻襲爵太弟濟北郡王獻與雍俱遇

害子徽晉泰中襲爵後坐謀通伏法叡弟誕薨謚曰文獻無子以斌第二子子亮為後

彭城武宣王勰文子勰薨嫡子邵襲莊帝時遇害子紹襲遷給事黃門侍郎靈太后詔曰故太師彭城武宣王道隆德盛功高徽管協契先朝導揚末命扶危濟難效漢北之誠送往奉居盡魯南之節宗社賴之以安皇基由之永固而謙光守約屢擢增邑之賞辭多受少終保初錫之封非所謂追舊報恩念勲酬德者也可以前後所封戶別封三子為縣公食邑各一千戶庶以少慰仁魂微申朝典子直封真定縣開國公以病卒子寬襲王爵始平貞王子正與凡部俱時遇害子欽襲北海平王詳文子詳薨子顯襲後遇害子娑羅襲

北齊趙郡貞王琛神武弟天平中薨子叡嗣叡遇害子釐信嗣

陳番文恭王惠寶神武弟早亡以清河王徽第十子敬文嗣

清河昭武王徽神武從父弟天平中薨子勳嗣

廣平公盛神武從叔祖薨無子以兄子子瑗嗣天保初改封平

昌王

長樂太守靈山神武族弟終於長樂太守子懿卒於武平鎮將無子文宣弟以靈山從父兄齊州刺史楚國子伏護為靈山後復護卒孫又襲

陽周武昭公永樂高祖兄子永樂卒無子從兄恩宗以第二子緒為從襲爵天保初改封脩城郡王

永安簡平王浚神武子為文宣所殺至乾明元年贈太尉無子

詔彭城王洸第二子淮嗣

平陽靖康王淹神武子河清三年薨子德素嗣

彭城景思王洸神武子河清三年遇害子寶德嗣位開府兼尚書左僕射

上黨剛肅王渙神武子為文宣帝所殺渙無嫡子庶長子寶嚴以河清二年襲位金紫光祿大夫開府儀同三司

襄城景王清神武子天保二年薨無子詔以常山王演第二子亮嗣

高陽康穆王湜神武子天保十年薨子士義襲爵

博陵文簡王濟神武子天統五年薨子智襲爵

馮翊王潤神武子潤薨子茂德嗣

漢陽敬王洛字敬延神武子天寶五年薨無子以任城王第二子建德為後

河南康猷王孝瑜文襄子武成時薨子引節嗣

河間王孝琬文襄子為文宣所殺子正禮嗣

太原王紹德文宣子為武城所殺武平元年詔以范陽王子辨才為後襲太原王樂陵王百年孝昭子為武帝所害後主詔以襄城王子自澤襲爵樂陵

琅邪王儼武城子為後主所殺以平陽王淹孫世後嗣

後周郡惠公顥太祖長兄保定初追封長子什肥為北齊神武所害追贈大冢宰襲爵郡公謚曰景

杞烈公連

一云簡公

邵惠公子魏末戰歿以章武公遵子亮嗣之亮

初封襲爵累遷宗師中大夫卒詔曰以弟椿為烈之後

虞國公仲太祖再從父保定中追封子興生值亂兵與仲相失

又幼冲莫知其戚屬遠近高祖以莒莊公洛嗣

宋獻公震文帝子尚西魏文帝女薨無子以世宗第三子實為

嗣

隋義城縣公處綱高祖族父開皇初贈其父鍾葵為柱國尚書

令義城縣公以綱襲焉

河間王引高祖從祖弟大業六年追封郟王子慶嗣

滕穆王瓚高祖母弟開皇十一年薨子綸嗣以罪徙朱崖大業

中弟詵襲封滕王以奉穆王嗣

道悼王靜滕穆王子出繼叔父嵩嵩在周代以太祖軍功襲爵

興城公早卒高祖踐位追封道王謚曰宣以靜襲焉

衛昭王爽高祖異母弟開皇中薨子集初封遂安王尋襲封位

王

秦孝王俊高祖子開皇二十年為妃崔氏所毒薨崔氏賜死二

子浩湛不合承嗣煬帝即位以浩為秦王以奉孝王嗣

蔡王智積高祖弟慈之子慈後周時戰死高祖受禪追封蔡王

以智積襲焉

唐永安莊王孝基高祖從父弟武德二年戰歿無子以從兄韶

子道立為嗣封高平郡王

長平肅王叔良高祖從父弟叔良薨子孝協嗣

襄武王深高祖父兄子武德三年薨子檢嗣

襄武王深高祖父兄子武德三年薨子檢嗣

河間元王孝恭齊武王弟貞觀十四年薨子崇義嗣

淮陽莊王道玄高祖從父兄子武德五年薨無子詔封其弟武都郡公道明為淮陽王令王道玄祀

衛懷王玄霸高祖子早薨無子武德九年追贈衛王四年封太宗子泰為宜都王以奉其祀泰後徙封於越又以宗室贈西平王瓊之子保定為嗣

巢刺王元吉高祖子以罪誅貞觀十六年追封以曹王明為後楚哀王智雲高祖子武德元年追封無子三年以大宗子寬為嗣寬薨貞觀二年復以濟南公世都子靈龜嗣靈龜卒子福嗣荆王元景高祖子永徽三年坐誅逆賜死後追封沉黎王以渤海王奉慈子長沙為嗣降爵為侯神龍初追復爵土并封其孫

述為嗣荆王

徐王元禮高祖子威身三年薨子淮南王茂嗣茂以流死振州神龍初封茂子璿為嗣徐王璿開元中卒子延年嗣二十六年

封嗣徐王後坐贓貶杭郡司馬卒永泰元年女壻黔中觀察使趙國珍入朝請以延年子前施州刺史諷為嗣因封徐王

韓王元嘉高祖子以謀逆坐誅神龍初追復爵土并封其第五子訥為嗣韓王開元十七年卒子叔瓊為嗣韓王

彭思王元則高祖子永徽二年薨無子以霍王元軌子絢嗣寵朔中封南昌王子志暎神龍初封嗣彭王

鄭惠王元懿高祖子咸亨四年薨子敬上元初封為嗣鄭王官至鄂州刺史神龍初又封敬嫡子希言為嗣鄭王

霍王元軌高祖子垂拱四年坐謀逆與長子緒俱死神龍初追復爵土封緒男暉為嗣

號壯王鳳高祖子上元元年薨子平陽郡王翼嗣官至光州刺史永隆二年卒子寓嗣則天特失爵神龍初封鳳嫡孫邕為嗣號王邕開元十五年卒子臣嗣

道孝王元慶高祖子麟德元年薨子臨淮王誘嗣官至澧州刺史淳中坐贓削爵次子詢壽州刺史詢子徵神龍初封為嗣道王景雲元中卒子諫開元二十五年襲封嗣道王

鄧康王元裕高祖子麟德二年薨無子以弟注王元詳子廣平公旦嗣神龍初封旦子孝先為鄧王景龍四年制尚乘奉御事伯潛繼鄧王元裕後

舒王元名高祖子永昌年與子亶俱遇害封亶子津為嗣舒王開元中亶子萬嗣天寶二年卒子藻嗣天寶九載封嗣舒王建中元年九月改封嗣郢王

魯王靈夔高祖子永徽四年以罪自殺有二子長子詵封清河王少子藹封范陽王為酷吏所陷神龍初封藹子道堅為嗣魯王道堅卒子宇嗣寶應元年皇太子封為魯王改宇為嗣鄒王宇薨子萃嗣

江安王元祥高祖子永隆元年薨中興初以元祥子鉅鹿郡公冕子欽嗣江王

密貞王元曉高祖子上元三年薨子南安王穎嗣神龍初封穎弟亮子曇為嗣密王開元五年五月制曰興滅國繼絕世天下

歸心焉况乃仁不遺親德必在祀光復土宇率由教義者哉故
徐刑刺史密王元曉望重天人地居藩屏家邦伊賴休戚是均
乃者王室多難睿圖中缺凡我宗子咸從殛竄神龍初歲寶運
紹興爰命近屬以為後嗣而胄緒凋翳是非紛雜曇子乘牒妄
尸茅土神且不歆非類人亦奚祀非族奠享無王永懷惻然其
封元曉姪孫銀青光祿大夫行太僕少卿負外置同正員東莞
郡開國公徹為嗣密王以奉其祀

滕王元嬰高祖子文明元年薨子長樂王循琦嗣兄弟六人垂
拱中並陷詔獄神龍初以循嗣天寶初卒

十一載封嗣滕王

吳王恪太宗子永徽中以罪誅有子四人仁瑋琨境並流于嶺

表尋追封恪為鬱林王神龍中封琨子祗為嗣吳王

濮恭王泰太宗子永徽三年薨子欣封嗣濮王則天初陷酷吏

嶽貶昭州別駕卒子嶠本名餘慶中興初封嗣濮王

蜀悼王愔太宗子乾封二年薨封子璠為嗣

蜀王永昌年配流歸城州而死神龍初以吳王恪孫即陵王瑋

子瑜為嗣蜀王

蔣王暉太宗子上元中自殺子熾嗣垂拱中為則天所害子銳

早卒神龍初封銳子紹宗為嗣蔣王卒子欽福嗣

越敬王貞太宗子則天時與其子琅邪王冲謀復唐室事敗而

死開元四年十月癸未詔曰九族以親克敦其教百代必祀元

章厥德故越王貞執心不回臨事能斷粵自藩國動于王家光

宅之後寶圖將缺懷劉章之輔漢追鄭武之翊周遂能奮不顧身率先倡義雖英謀未尅而忠節居多嗣絕國除年踰二紀真享渝廢朕甚憫焉夫存或尚功歿有明祀數此則安衆懼禍時泰則高陽紹封永言典滅武備典冊其封貞姪孫故許王男左監門衛將軍員外置同正員蔓國公琳為嗣越王以奉其祀紀王慎太宗子則天時流死中興初追復官爵令以禮改塋封慎少子鐵誠為嗣紀王後改名澄開元初歷德冀三州刺史左驍衛將軍薨子行周嗣

江殤王囂太宗子貞觀六年薨以吳王恪孫玄為嗣江王景龍四年以吳王孫禕繼江王囂後

趙王福太宗子貞觀中出繼隱太子建成咸亨元年薨中興初封蔣王暉孫思順為嗣趙王

曹王明太宗子永隆中坐與庶人賢通謀自殺有二子南州別駕零陵王俊黎國公傑垂拱中並遇害中興初封傑子裔為嗣曹王裔叔父備自南州還又封備為嗣曹王後備詔慰忠州叛獠沒于賦又封裔為王卒子戡卒子臯嗣

澤王上金高宗子載初二年武承嗣使酷吏周興誣告上金自縊死子義雄義珍義玟義璋義環義瑾義璣七人並配流死神龍初追復爵土開元十四年四月制曰先親之義所以敦叙廣封之道所以利達故澤王男義珣漸慶元族分榮帝系早承光寵列在戚藩中因間言久不立嗣既宗英有吝而拜翰用崇宜順景風之典俾引宅土之命可封嗣澤王先是義珣竄在嶺外

匿於傭保之間及紹封無幾有人告珣非上金子假冒寵爵義
珣不能自明復流于嶺外開元初封許王素節之子璆為嗣澤
王維上金後十二年王真公主表稱義珣實上金遺裔披嗣許
王璿兄弟利其封爵謀搆廢之由是削璆王爵復詔義珣為嗣
王拜率更令因是諸宗室非本宗襲爵自中興已後外繼為嗣
王者皆令歸宗削其爵邑貞元五年十二月封故澤王諱男潤
為嗣

許王素節高宗子則天時與子九人並遇害唯少子琳璿珍欽
故以年小特令長禁雷州神龍初封璿為嗣許王璿開元十年
為衛慰卿以抑伯澤王上金男義珣不得承襲以弟璆繼之玄
宗遽遣璿為鄂州別駕於是下詔繼其外繼乃以故澤王上金
男義珣為嗣澤王江王禕為信安郡王嗣蜀王瑜為廣陵都王
嗣密王徹為濮陽郡王嗣曹王臻為濟國公嗣趙王裕為中山
郡王武陽郡王繼宗為豐國公璿天寶六載卒贈蜀郡大都督
璿晚有子命璆子益為嗣及卒有解需二子皆幼孺十一載益
襲封許王十四載解娶楊鈿女乃襲許王

雍王賢高宗子為則天所譖廢為庶人幽於別所永淳二年遷
於巴州自殺追封為雍王子守禮授太子洗馬封為雍王

讓皇帝憲睿宗子累封寧王開元二十八年薨追冊為皇帝長
子汝陽郡王璿嗣肅宗元年建辰月嗣寧王隸薨以其子太常
寺寺丞擯為嗣寧王食邑三千戶仍試太僕少卿

惠莊太子撝睿宗子初封申王無子開元七年正月制曰建侯

樹藩命賢裂土以博戚屬乃率典常司徒兼絳州刺史上柱國

申王撝玉林分彩銀河疏液缺保慶靈未繁裔緒宋王憲男嗣

英一云宋王男珣魯廷學禮楚館聞詩德輝日盛忠槩寡立宜其擇猶

子之序居承嫡之位廬江大郡形勝攸屬用圖尔居莫如茲地

是錫分珪之寶俾成盤石之宗可封懷寧郡王食邑三千戶嗣

英早卒撝開元十二年薨天寶三載又以讓帝子疇為嗣申王

岐王範睿宗子開元十四年薨子瑾封河東郡王暴卒天寶三

載以惠宣太子男略陽公珍為嗣岐王

惠宣太子業睿宗子初封薛王開元二十二年薨子殍封嗣薛

王王奉天皇帝琮玄宗子累封慶王天寶十一載薨無子十三載十

一月封故靖德太子男侁為嗣慶王臣欽若等曰唐自玄宗已

不信嗣襲故此後皆闕

梁廣王金昱太祖長兄貞明中卒封長子衡王友諒為嗣廣王

新刊監本冊府元龜卷之二百八十四

新刊監本冊府元龜卷之二百八十五

宗室部

忠

傳曰忠為令德蓋策名委質有死無貳之謂也乃其体自天拯
列于藩維承光日月同休宗社而內懷明德發於精衷自晦以
掩君惡建義以雪國耻定策佐命以安天下扶危持鎮以濟大
難守節而無苟拒惡而靡憚勵恭慎之節竭謨明之效周旋欣
助弥綸罄盡奉侍勤瘁誠言敦篤至或挺身變亂而懼害感慨
宗國而亡身抗志不撓瞑目無悔斯皆仁厚成於自然純亮表
於性質挺或一之德隆在三之義千載之下凜乎其有生氣矣
商箕子紂之親戚也紂為淫泆箕子諫不聽人或曰可以去矣

箕子曰為人臣諫不聽而去是彰君之惡而自悅於民吾不忍為也乃被髮佯狂而為奴

漢燕王澤聞呂太后終澤乃曰帝少

臣欽若等曰帝謂呂后諸所立惠帝後宮子強

呂用事諸劉孤弱引兵與齊王合謀西欲誅諸呂至梁聞漢灌

將軍屯滎陽澤還兵備西界遂馳驅至長安

齊王傳云使祝午給琅琊王

馳見齊王齊王因番琅琊王而使祝午畫發琅琊國并而將其兵琅琊王既見欺不得反國乃說齊王求入閔計事齊王以為然乃益具軍送瑯琊王與此傳不同疑此傳誤也代王亦從代至諸將相與琅琊王共

立代王是為孝文帝

衡山王敖景帝初七國反吳使者至衡山衡山王堅守無二心

吳楚已破衡山王朝帝以為貞信乃勞苦之日南方卑濕徙王

於濟北以保之

濟北王胡以為武帝且封禪上書獻泰山及旁若天子以它縣

償之

武平侯璜王莽居攝一年以舉兵誅莽死

陵鄉侯魯王莽建國六年以舉兵欲誅莽死

後漢慎侯賜光武族兄更始初封賜為宛王典將六部兵

伯升初起

置六部後赤眉破賜所領六部亦稍散畔乃去宛聞光武即位

西之武關迎更始妻子將詣洛陽帝嘉賜忠故封為慎侯

劉虞為幽州牧就拜太尉初平二年冀州刺史韓馥教海太守

袁紹及山東諸將議以朝廷幼冲逼於重卓遠隔關塞不知存

否以虞宗室長者欲立為主乃遣故樂浪太守張岐等齎議上

虞尊號虞見岐等屬色叱之曰今天下紛亂主上蒙塵吾被重

恩未能清雪國耻諸君各據州郡宜共戮力盡心王室而反造
逆謀以相垢誤耶故拒之馥等又請虞領尚書事承制封拜復
不聽遂收斬使人

魏曹洪字子濂太祖從弟也太祖起義兵討董卓至滎陽為卓
將徐榮所敗太祖失馬賊追至急洪下以馬授太祖太祖辭讓
洪曰天下可無洪不可無君逐步從到汴水水深不得渡洪循
水得船與太祖共濟還奔譙

齊王族祖罔字元首魏世諸侯王多所抑損罔上書曰臣聞古
之王者必建同姓以明親親必樹異姓以明賢賢故傳曰庸勲
親親昵近尊賢書曰克明峻德以親九族詩云懷德維寧宗子維
城由是觀之非賢無與與功非親無與輔治夫親親之道專用

則其漸也微弱賢賢之道偏任則其弊也劫奪先聖知其然也
故博求親疎而并用之近則有宗盟藩衛之固遠則有仁賢輔
弼之助盛則有與其其治衰則有與守其土安則有與享其福
危則有與同其禍夫然故能有國家保其社稷歷紀長久本支
百世也今魏尊賢之法雖明親親之道未備詩不云手鵠鷁在
原兄弟急難以斯言之明兄弟相救於喪亂之際同心於憂禍
之間雖有閔牆之忿不忘禦侮之事何則憂患同心也今則不
然或任而不重或擇而不任一且疆場稱警閔門反拒股肱不
扶胸心無衛臣竊懼此寢不安息思獻丹誠貢策天闕謹撰合
所聞叙論成敗論凡數千言是時天子幼稚罔冀以此論感悟
曹爽爽不能納

蜀北地王譔景耀末鄧文兵至譙周勸後主降後主將從譙周之策譔怒曰若勢窮力屈禍敗必及便當父子君臣背城一戰同死社稷以見先帝可也後主不納遂送璽綬是日譔哭於昭烈之廟先殺妻子而後自殺左右無不為泣者

晉惠帝西遷范陽王虓與從兄平昌侯模長史馮嵩等刑白馬唾血而盟推東海王越為盟主虓都督河北諸軍事驃騎將軍持節領豫州刺史劉喬不受越等越等度乘虛破許虓自拔渡河王浚表虓領冀州刺史資以兵馬虓入冀發兵又南濟河破喬等河間王顥聞喬敗張方傳首於越越與虓西迎帝而顥出奔於是奉天子還都拜虓為司徒

齊王攸為驃騎將軍每朝政大議悉心陳之

汝南王亮為太宰錄尚書事楚王瑋有勲而好立威亮憚之欲奪其兵權瑋甚憾乃承賈后旨誣亮與衛瓘有廢立之謀矯詔遣其長史公孫宏與積弩將軍李肇夜以兵圍之帳下督李龍自外有變請距之亮不聽俄然楚兵登墻而呼亮驚曰吾無二心何至於是若有詔書其可見乎宏等不許促兵攻之長史劉準謂亮曰觀此必是姦謀府中俊又如林猶可盡力距戰又弗聽遂為肇所執乃歎曰戒之忠心可破示天下也如何無道枉殺不辜是時大熱兵人坐亮于車下時人憐之為之交扇將及日中無敢害者瑋出令曰能斬亮者賞布千疋遂為亂兵所害投于北門之壁鬚髮耳鼻皆悉毀焉

淮南王允元康九年入朝初愍懷之廢議者將立允為大弟會

趙王倫廢賈后詔遂以允為驃騎將軍開府儀同三司侍中都督如故領中護軍允性沈毅宿衛將士皆敬服之倫既有僭逆志允陰知稱病不朝密養死士潛謀誅倫倫甚憚之轉為大尉外示優崇實奪其兵也允稱病不拜倫遣御史逼允收官屬以下劾以大逆允親視詔乃孫秀手書也大怒便收御史將斬之御史走而獲免斬其令二人厲色謂左右曰趙王欲破我家遂率國兵及帳下七百人直入大呼曰趙王反叔將功之佐淮南王者左袒於是歸之者甚衆允將赴宮尚書左丞王與閉東掖門允不得入遂圍相府允所將兵皆淮南竒才劍客也與戰頻敗之倫兵死者千餘人太子左率陳徽勒東宮兵鼓譟於內以應允結陳於承華門前弓弩齊發射倫飛矢雨下主書司馬畦祕以身蔽倫箭中其背而死倫官屬皆隱樹而立每樹輒中數百箭自辰至未微允淮時為中書令遣麾騎虞幡以解鬪倫子虞為侍中在門下省密要壯士約以富貴於是遣司馬督獲伏裔領騎四百從宮中出舉空版詐言有詔助淮南王允不之覺開陣納之下車受詔為裔所害時年二十九初倫兵敗皆相傳曰已擒倫矣百姓大悅既而聞允死莫不歎息齊王罔趙王倫密與相結廢賈后以功轉遊擊將軍罔以位不滿意有恨色孫秀微覺之且憚其在內出為平東將軍假節鎮許昌倫篡遷鎮東大將軍開府儀同三司欲以寵安之罔因衆心怨望潛與離孤王盛賴川王處穆起兵誅倫倫遣腹心張烏覘之烏反曰齊無異志罔既有成謀未發恐事泄乃與軍官管

襲殺穆送首與倫以安其意謀定乃收襲殺之遂與豫州刺史何昺龍驤將軍董艾等起兵遣使告成都河間常山新野四王移穆天下征鎮州郡縣國咸使聞知揚州刺史郝隆承檄猶豫未決參軍王邃斬之送首于罔屯軍陽翟倫遣其將罔和張泓孫輔出堦坂與罔交戰罔軍失利堅壘自守會成都軍破倫衆於黃橋罔乃出軍攻和等大破之及王輿廢倫惠帝反正罔誅討賊黨既畢率衆入洛頃軍通章署甲士數十萬旌旗器械之盛震於京都天子就拜大司馬加九錫之命備物典第如宣景文武輔魏故事罔於是輔政居攸故居

成都王穎轉鎮北大將軍趙王倫之篡也進征北大將軍加開府儀同三司及齊王罔舉義穎發兵應罔以鄴令盧志為左長史立太守鄭瑛為右長史黃門侍郎程收為左司馬陽平太守和演為右司馬使兗州刺史王彥冀州刺史李毅督護趙驤石超等為前鋒羽檄所及莫不響應至朝歌衆二十餘萬趙驤至黃橋為倫將軍猗許超所敗死者八十餘人士衆驚駭穎欲退保朝歌用盧志王彥策又趙驤率衆八萬與王彥俱進倫復遣孫會劉琨等率三萬人與猗超合兵距驤等精甲耀日鐵騎前驅猗既戰勝有輕驤之心未及溫十餘里復大戰猗等奔遣穎遂過河乘勝長驅左將軍王輿殺孫秀幽趙王倫迎天子反正穎入京都誅倫使趙驤右超等助齊王罔攻張泓於陽翟泓等遂降罔始率衆入洛自以首建大謀遂擅威權穎營于大學及入朝天子親勞焉

東海王越初為中書令徙侍中遷司空領中書監成都王顓攻
長沙王又固守洛陽殿中諸將及三部司馬疲於戰守密與左
衛將朱默夜收又別省逼越為主啓惠帝免又官事定越稱疾
遜位帝不許加守尚書令太安初帝北征鄴以越為大都督六
軍敗越奔下邳徐州都督東平王琳不納越徑還東海成都王
顓以越兄弟宗室之美下寬令招之越不應命帝西幸以越為
太傅與大宰顓夾輔朝政讓不受東海中尉劉洽勸越發兵以
備顓越以洽為左司馬尚書曹馥為軍司既起兵林懼乃以州
與越以司空領徐州都督以林領兗州刺史越三弟並據方任
征伐輒選刺史守相朝士多赴越而河間王顓挾天子發詔罷
越等皆令就國越昌義奉迎大駕還復舊都率甲卒三萬西次
蕭縣豫州刺史劉喬不受越命遣子祐距之越軍敗范陽王遷
遣都護田徽以突騎八百迎越遇祐於譙祐衆潰越進屯陽武
山東兵盛關中大懼顓斬送張方首求和尋變計距越越率諸
侯及鮮卑許扶歷駒次宿歸等步騎迎惠帝反洛陽詔越以大
傅錄尚書以下邳濟陽二郡增封及懷帝即位委政於越吏部
郎周穆清河王暉舅越之姑子也與其妹夫諸葛攻共說越曰
主上之為大弟張方意也清河王本太子為群凶所廢先帝不
諱多疑東宮公盍思伊霍之舉以寧社稷乎言未卒越曰此豈
宜言耶叱左右斬之以攻穆世家罪止其身因表除三族之法
譙王承為相州刺史王敦構難遣參軍桓胤說承以劉隗專寵
令便討擊請承以為軍司以軍期上道承歎曰吾其死矣地宋

江夏王義恭遷侍中未拜元凶邵肆逆遣召義恭先是詔召太子及詔諸王各有常人慮有詐妄致害者至是義恭求常所遣傳詔邵遣之而後入義恭請罷兵凡府內兵仗並送還臺進位太保服侍中服又領太宗師世祖入討邵疑義恭有異志使入任尚書下省分諸子並任神虎門外侍中下省邵聞世祖已次迎路欲悉力通之決戰中道義恭慮世祖船乘陋小邵豕突中流容能為患乃進說曰割棄南岸柵斷石頭此先朝舊法以逸待勞不憂不破也帥從之世祖前鋒至新亭邵挾義恭出戰錄在左右故不能自拔戰敗使義恭於東堂閱將義恭先使人具船於東冶渚因車馬南奔始濟淮追騎已至北岸僅然得免劭大怒遣始興王清就西省殺義恭十二子世祖時在新林浦義恭既至上表勸世祖即位彭城王義康錄尚書事文帝有虛勞疾每意有所想便覺心中痛裂屬續者相係義康入侍醫藥盡心衛養湯藥飲食非口所嘗不進或連夕不寐彌日不解衣內外衆事皆專決施行

建平王宏文帝第七子元凶殺立以宏為左將軍丹陽尹又以為散騎常侍領軍將軍江州刺史祖入討劭錄宏殿內世祖先嘗以一手板與宏宏遣左右親信周法道齎手板詣世祖事平以為尚書左僕射使奉迎太后

營浦侯邁考子琨之為竟陵王誕司空主簿誕作亂以為中兵參軍不就繫繫數十日終不受乃殺之追贈黃門郎詔吏部尚書謝莊為之誄

南郡王義宣為荊雍都督元嘉三十年遷司徒中軍將軍揚州
刺史侍中如故未及就徵值元凶殺立義以宣為中書監大尉
領司徒侍中如故義宣聞之即時起兵徵聚甲卒傳檄遠近會
世祖入討義宣遣參軍徐遺寶卒衆三千助為前鋒

劉韞長沙王道憐之孫為宣城太守晉安王子勛為亂大衆屯
據鵠尾攻逼宣城子時四方牧守莫不固逼唯韞棄郡赴朝廷
太宗嘉其誠以為黃門郎太子中庶子侍中

劉襲長沙王道憐之孫為安城太守晉安王子勛為逆襲據郡
拒之運遣軍攻圍不能下太宗嘉之以為郢州刺史封建陽縣
侯食邑五百戶

南齊豫章王嶷嘗謂世祖曰古來言願陛下壽等南山或稱萬
歲此待近見言如臣所懷實願陛下極壽百年亦足矣帝舊有
年復何可得止得東西一百於事亦濟

南康縣侯子恪建武中遷輔國將軍吳郡太守及司馬王敬則
於會稽舉兵反奉子恪為名明帝悉召子恪子弟親從七十餘
人入西省至夜當害之會子恪棄郡奔歸是日亦至明帝乃止
以子恪為太子中庶子

梁長沙元王弟藻出為使持節督南徐州刺史侯景亂藻遣長
子或率兵入援及城開加散騎常侍大將軍景遣其儀同蕭邕
代之據京口藻因感氣疾不自療或勸奔江北藻曰吾國之亡
鉉任寄持隆既不能誅剪逆賊正當同死朝廷安能投身累類
欲保餘生因不食累日薨

尋陽王太心為郢州刺史大同七年徵為侍中兼石頭戍軍事
太清元年為雲麾將軍江州刺史二年侯景寇京邑太心招集
士卒遠近歸之衆至數萬與上流諸軍赴援宮闕三年城陷上
平侯蕭韶南奔宣密詔加散騎常侍進號平南將軍

南郡王大連太清元年出為使持節輕車將軍東揚州刺史侯
景入寇京都大連率衆四萬來赴及臺城沒援車散復歸揚州
河東王譽為南中郎將湘州刺史未幾侯景寇京邑譽率軍入
援至青草湖臺城沒有詔班師

南浦侯推安城王秀子也侯景之亂守東府城陷握節死之

邵陵王綸太清二年侯景反既陷東府城綸率四豐功大春新
塗將軍永安侯確超武將軍安南鄉侯駿前譙州刺史趙伯超

武州刺史蕭弄璋步兵校尉尹思合等馬步三萬發自京直據
鍾山景黨大駭具舡舟咸欲遁散分遣萬餘人距綸擊大破
之斬首千餘級旦日景復陳兵覆舟山北綸亦列陣以待之景
不進相持會日暮景引軍還安南鄉侯駿率數十騎挑之景回
軍與戰駿退時趙伯超陳於玄武湖北見駿急不赴乃率軍前
走衆軍因亂遂敗績綸奔京口賊盡獲輜重器甲斬首數百級
生俘千餘人景既攻臺城綸與臨城公大連等自東道集于南
岸荊州刺史湘東王遣世子方等兼司馬吳畢天門太守樊文
皎下赴京師營于湘子岸前高州刺史李遷仕前司州刺史羊
鴉仁又率兵繼至既而鄱陽世嗣永安侯曠羊鴉仁李遷仕樊
文皎率衆渡淮攻賊東府城前柵破之遂結營于青溪水東景

遣其儀同于子仙頓南平王第綠水西立柵相拒景食稍盡至是米斛數十萬人相食者十五六初援兵北岸百姓扶老携幼以侯王師終得過淮便競剝掠賊黨有欲自援者聞之咸止

邵陵携王綸子確為太子舍人鍾山之役苦戰所向披靡及侯景乞盟憚確在外慮為後患啓求召確入城詔乃召確為南中即將廣州刺史確知此盟多貳城必淪沒因欲南奔携王聞之逼確使入確猶不肯携王流涕謂曰汝欲反邪時臺使周石珍在坐確謂石珍曰侯景雖云欲去而不解長圍以意而推其事可見今召我入未見益也石珍曰勅旨如此侯豈得辭確執意猶堅携王大怒謂趙伯超曰譙州卿為我斬之當齎首赴闕伯超揮刃矜曰我識君耳刀豈識君確於是流涕而出遂入城及

景背盟復圍城城陷確排闥而入啓高祖曰城已陷矣高祖曰猶可一戰不對曰不可臣向親格戰勢不能禁自縊下城僅得至此高祖曰自我得之失之亦復何恨乃使確為慰勞文確既出見景景愛其旅力常令在左右先是携王遣人密導確確出謂使者曰侯景輕佻可一夫力致確不惜死正欲手刃之但未得其便耳鄉還啓家王頊勿以為念也事未遂而為賊所害

桑侯會理南康簡王績之子太清二年侯景圖京邑會治嚴將入援會北徐州刺史封山侯正表將應其兄正德外託赴援實謀襲廣陵會理擊破之方得進路臺城陷侯景遣前臨江太守董紹先以高祖手勅召會理其僚佐咸勸距之會理曰諸君心事與我不同天子年尊受制賊虜今有手勅召我入朝臣子之

心豈得違背且遠處江北功業難成不若身赴京都圖之肘腋
吾計決矣遂席卷而行以誠輸紹先至京景以為侍中司空兼
尚書令雖在寇中每思興復與西鄉侯勸等布心腹要結壯敗
辭相連及景矯詔免會理官猶以白衣領尚書令是冬景往晉
熙京師虛弱會理復與抑敬禮謀之曰舉大事必有所資今無
寸兵安可以動會理曰湖熟有吾舊兵三十餘人昨來相知尅
期響集聽吾日定便至京師計賊守兵不過千人耳若大兵外
攻吾等內應直取王偉事必有成縱景後歸無能也敬禮曰善
因贊成之于時百姓厭賊咸思用命自丹陽至于京口靡不同
之後事不果與建安侯通理並遇害

建安侯通理南康簡王績之次子也太清中侯景內寇聚賓客

數百輕裝赴南充州隨兄會理入援常親當矢石為士卒先及
城陷又隨會理還廣陵因入齊為質乞師行日會侯景遣董紹
先據廣陵逐追會理因為所獲紹先防之甚嚴不得於兄弟相
見乃偽請光還京得入辭母謂其姊安固公主曰事既如此豈
可合家受弊兄若至願為言之善為計自兄勿賜以為念也家
國帖危雖死非恨尚思立效未知天命何如耳至京以魏降人
元貞立節忠正可以託孤乃以玉柄扇贈之真恠其故不受通
理曰後當見憶幸勿推辭會祖皓起兵通理奔長蘆收軍得千
餘人其左右有應賊者因聞劫會理其衆遂散為京所害特
年二十一元貞始悟其前意往收塋焉

瀏陽公大雅簡文之子也太清三年京城陷賊已乘城大雅猶

命左右格戰賊至漸衆乃自縊而下因發憤感疾薨時年十七
謚忠壯世子方等少聰敏有俊才初高祖欲見諸王長子世祖
遣方等入侍方等欣然升舟冀免憂辱行至繇水值侯景亂世
祖召之方等啓曰昔申生不受其死方等豈顧其生世祖省書
歎息知無還意乃配步騎一萬使援京都賊每來攻方等必身
當天石宮城陷方等歸荊州收集士馬甚得衆和世祖始歎其
能方等又勸脩築城柵以備不虞既成樓雉相望周回七十餘
里世祖觀之甚悅時河東王為湘州刺史不受都府之令方等
乃乞征之世祖許焉拜為都督令帥精卒二萬南討方等臨行
謂所視曰吾此段出征必死而獲所吾豈愛生及至麻河溪河
東王率軍逼戰方等擊之軍敗遂溺死時年二十二

宜豐侯脩為梁秦二州刺史時兄嗣鄱陽王範在湓城頗有異
論武陵王大生疑防流言囑啓脩深自分釋求送質子并請助
防武陵王乃遣從事中郎蕭固諮以當世之事且觀脩意脩涕
泣為言忠臣孝子之節王敬納之故終脩之時不為不義一夕
忽有狗據脩所臥床而臥脩曰此其戎乎因大脩城壘承聖元
年魏將達奚武來攻脩遣記室參軍劉璠至益州求救於武陵
王紀紀遣將楊乾運援之拜脩隨郡王璠還至嶧冢乃降于魏
乾運班師璠至城下說城中降魏脩數之曰卿不能死節反為
說客邪命射之間信遣至荊州元帝遣與相聞脩遣諮議虞馨
之以死誓斷頭將軍

陳長沙王叔堅始興王叔陵弟也宣帝弟豫叔堅陵弟也從後

主侍疾叔陵陰有異志乃命典藥吏曰切藥刀甚銳可殞之及宣帝不諱倉卒之際又命其左右於外取劍左右弗悟乃取朝所服佩木劍以進叔靈怒叔堅在側聞之疑有變任其所為及翌日小歛叔陵哀剗藥刀進斫後主中項後主乳母樂安吳俱以身捍之獲免叔堅自後扼叔陵擒之并奪其刀將殺之問後主曰即盡之為侍也後主不能對叔陵舊多力湏臾奮得脫出雲龍門入於東府城兵敗走趨新林蕭摩訶追斬之

岳陽王叔慎禎明元年出為持節都督湘衡桂武四州諸軍事智武將軍湘州刺史三年隋師濟江破臺城前刺史普熙王叔文巴州刺史畢寶荊州刺史陳紀並降隋行軍元帥清河公楊素兵下荆門別遣其將龐暉將兵略地南至湘州城內將士

有同志克日請降叔慎乃置酒會文武僚吏酒酣叔慎歎曰古臣之義盡於此乎長史謝基伏而流涕湘州助防遂興侯正理在坐乃起曰主辱臣死諸君獨非陳國之臣乎今天下有難實是致命之秋也縱其無成猶見臣節青門之外有死不能今日之機不可猶豫後應者斬衆咸許諾乃殺牲結盟仍遣人許奉降書於龐暉信之克期而入叔慎伏甲待之暉令數百人屯於城門自將左右數十人入于廳事俄而伏兵發縛暉之以徇盡擒其黨皆斬之叔慎坐於射堂招合士衆數日之中兵至五千人衡陽太守樊通武州太守鄔君業皆請赴難未至隋遣中牟公薛貴為相州刺史聞龐暉死乃益兵隋又遣行軍總管劉仁思救之未至薛貴兵次鵝羊山叔慎遣正理及樊通拒之目大

合戰自旦至于日昃隋軍迭息而至正理兵少不敵於
敗
冑乘勝入城生擒叔慎是時鄔君業率其衆自武州來赴出橫
橋江聞叔慎敗績乃頓于新塘口隋摠管劉仁思兵亦至橫橋
據水置營相持信宿因合戰君業又敗仁思虜叔慎正理君業
及其黨與十餘人秦王斬之于漢口叔慎特年十八

新刊監本冊府元龜卷之二百八十五

合戰自五月至于日暮諸軍皆思而無功其軍亦散
言乘勝入城主擒成讓遂將郡民棄城而去其軍亦出城
歸江門故鎮賊情乃息其時漢軍已盡其力而賊亦
據水壘營相持旬有日之戰者未之見也漢軍遂入
及其黨與十餘人盡于漢軍及捕獲之

新川監



